

JEHOVA-JIRE ³

 Nda lumba, Mukwesu Borders.

Inga mwa kkala. Kuba buyo a luswaanano a Mukwesu Harrel, sicutu wa muswaangano, a kujana kuti ngu missionari, alimwi tu baanga tu jisi zintu zikozyenye. Ula jokela lino mu Gold Coast, Africa. Elyo Ndi kanza kuba kokuya mwaka oyu. Twa kali kusola kuleta cintu cimwi antoomwe kujatikizya kuswaya Gold Coast kumane kuzwa ku South Africa.

² Nkooko nko twa kajisi, eco Nce yeeya, umwi wa miswaangano mipati maningi, mu buzuba bwangu, wakali mu South Africa, cindi nitwa kabona basicisi basama ngubo bali zyuulu zili makumi otatwe bakatambula Kristo ku ciindi comwe. Ameni. Ba kabalomba kupwaya mituni yabo aansi, kuti bakali ku cikanzila ncobeni. Elyo baka tyola mituni yabo, mbuli lusuko lwa guwo lyamvula kali boola, a kuzumina Kristo mbuli Mufutuli wabo, ku muswaangano omwe. Ba kajisi baccilili babotu kutala okuya, aboobo ba—ba kaba jata.

³ Pele lwiito lwaku cipaililo lupati maningi Ndwe konzya kuyeyya, lwa Mwami kutupa, lwakali mu...kali okuya mu India, oko nko twa kajisi zyuulu zya myaanda yosanwe mu muswaangano omwe. Elyo alya ta—ta tukonzyi kweezezya; buyo kucimo mbo tukonzya kubona, cakali konse buyo. Elyo boonse babo bakatambula Kristo mbuli Mufutuli, pele taakwe cintu comwe cakutobela aco. Aboobo nkikaako, mubwini, i—i ba Sikh baka bweza zyabo, ba Jaini baka bweza zyabo, azimwi zimbi. Ndi yeeyela kuti bunji bwabo bakajoka, aa kubona cintu cimwi Mwami nca cita a kuleta kuya.

⁴ Mulimo wangu oyo Mwami ngwa kandipa, mu America taucikwe nguzu loko, bantu buyo ba Pentekoste. Bunji bwa mambungano aa America mambungano aabupampu loko, alimwi basyoma buzumini bwabukombi. Elyo awo mpe mpawo buyo mpo bakkala, to konzyi kuba gwisya kuzwa kuli ncico.

⁵ Pele cindi wabweza munyinzi a kusola ku mwaambila cintucimwi kujatikizya kansiyansiya, ta zyi nokuba kuti ndelili janza lyaluyo a lya lumwensi. Ino cigwasya nzi kumupa kabbuku kanini? We elede *kubona* cintucimwi. Elyo cindi a cibona, mpawo walawma. Elyo amubone dokotela wakwe mung'anga wabuka a kucizundikizya, a kubona Muuya Uusalala kauseluka mpoonya awo. Inzya. Mpawo eco—eco cila citondezya, nguni Leza, elyo mpawo eco cila cibamba.

Alimwi muswaangana kubotu loko Mukwesu Harrel! Nda kali... Twa kali kwaambaula kujatikizya basicisi ba Africa. Wa kali kwaambaula kugwasilizya umwi wa Mukwesu T. L. Osborn.

⁶ Bunji bwanu muli muzyi Mukwesu Osborn, Nda yeeyela. Oh, kuli mulanda muyandisi wa Kristo, Mukwesu Osborn. Ngu umwi wa beenzuma bangu bamunsi. Ndi jisi lulemeko ncobeni mu moyo wangu lwa Mukwesu Osborn, missionari mupati boobu. Ku i... Nda syoma wa kacita kunji mu masena akutolela lusyomo kwiinda muntu uli oonse aa nyika sunu, oyo Ngwe zyi, walo—walo Mukwesu Osborn. Mulombe mubotu loko, mubotu, alimwi Nda tuyanda ncobeni Mukwesu a Mucizi Osborn.

⁷ Bala ndaambila kuti Baama ba Arganbright bali mu muswaangano sunumasiku. Sena ulayuba kuli ndime, Baama Arganbright? Nda lumba ncobeni mucelo wako mubotu. Elyo ta cigambyi mulindu muniini babotu boobu, waa kazwa ku cibeeela eci ca cisi okuno. Lyoonse ukanaana makani aa Grass Valley. Mbangaye bazi Ba. a Muka. Arganbright, koonse ku Grass Valley? Ee, eco cili kabotu. Uli kuli, Baama Arganbright? Nse na kubwene kwaciindi cilamfu, wa kasobelela... Ngooyo mbwabede. Iiyi. Longezya moyo wakwe. Muunzi wakwe walo muunzi wangu wabili, mwanakazi mubotu nkoonya okuno kuzwa ku Grass Valley. Elyo lyoonse waka jisi mukuli wa bantu aba. Elyo Baama ba Arganbright, ikuti na aya busiku anu mataanzi okuno, Ndali kubusena mu zisaka nke komba sunu cindi niwa swaya mukaintu a mbabo. Elyo Nda usa kuti Nse kali kweelela ku mubona, a kuswaana mweenzinyoko.

⁸ Pele Njo amba kuti Nda bona cintucimwi cacitika akati ka bantu bako okuno abo Mbe tana bwene mu dolopo lili lyoonse lya America kulikoonse. Nda kabona Banakristo kabazumina kuti bali lubide, ku Ijwi lya Leza, a kwiima a kulomba luse. Inzya. Eco cilimvwisyka kuli ndime mbuli lubukulusyo mbo lukonzya kupwayaulwa mukati muno. Inga cabotaloko. Kunji mbuli Mbwe kakambauka ku inyika yoonse, alimwi kapati mu America, Nsenya bwene kale, nkamu zya Banakristo, cindi Ijwi nilya kaletwa aansi, ku tondezya Ijwi, ba kanyamuka a kwaamba (bakapa bumboni) ba kali lubide. Kutali buyo obo, pele bakutausi ambabo. Lino, oko nkusinizya. Nda ciyanda eco.

⁹ Mucizi Arganbright, mukuba baka kubamba kwiima, Ndiyo sampaula mukaintu wangu. Walo muntu ula bunyonganye maningi mu nyika. Pele uli kkede awa sunumasiku. Oyandwa, Nda syoma uyo jana akwalo a ndime kuli eci, pele Ndiyo lomba mukaintu wangu kwiima. I mwanakazi mubotu loko mu inyika yoonse, kuli ndime. [Mbunga yalumbaizya—Mul.]

¹⁰ Musimbi wangu, mwana wangu musimbi, mwana wangu musimbi mupati, Rebekah. Lino, oyandwa, Ndi lizi kuti wapyazuba, pele Ndi yanda kuti wiime, nekuba. Yaa, Rebekah. Oyo mwana wangu musimbi, Rebekah. [Mbunga yalumbaizya—Mul.] Ndamu lumba. Ndamu lumba.

¹¹ Mukwesu Jewel Rose, mbangaye bamuzi? Busiku bumwi wa kacitya mukaintu wangu kusika ku cibumbili oko Nkwe

kabede, naka talikide kale. Waa katii wizuke. Waa kamucita buyo koonse nkakwali kukonzya ku mubona. Ula zwa mu nzila yakwe, nkaambo ula yoowa kuti uyo mwiita ku cibumbili alubo.

¹² Nda ka mwaambila, “Busiku bumwi Ndiyo kubamba kunyamuka a kutu kananina kwa kaindi kaniini.”

¹³ Waa kati, “Kobweza bbakete lya maanzi kalibambilide, nkaambo Ndiyo yoowizuka.”

¹⁴ Walo muntu uyandwa maningi, mukaintu wangu. Ikuti na kuli kulumbaizya kupegwaa ku mukwasyi wa Branham, akwiinke kuli nguwe. Ngo nguwe wakaimvvi akati ka ndime a buleya. Elyo zintu zyoonse zya kacitwa kabotu, waa kacicita.

¹⁵ Nda syoma kuti mwaalumi mukubusyi oonse awa, cindi aakwata, uyo jana mukaintu, nkabela uyo pona cakukkomana antomwe mbuli mukaintu alimwi Ndi jisi eyi myaka ili makumi obilo aibili njo tukwetene.

¹⁶ “Oyo wa jana mukaintu, wa jana cintu cibotu.” Mbuli Solomoni mbwa kaamba, “Ii mwanakazi mubotu ncintu ciyandisi mu musyini wa mwaalumi. Umwi utaluleme ngu maanzi mu bulowa bwakwe.” Elyo nzila yakwe ya bulowa mbuumi bwakwe. Aboobo, umwi utaluleme ncintu cibyaabi nca konzya kujata. Elyo umwi uululeme ncintu cibotu kwiinda nca konzya kujata, kunze lya lufutuko. Ikuti na Leza nakakonzya kupa mwaalumi cintu cibotu kwiinda mukaintu, Na kacipa kuli nguwe, nkaambo Leza wapa buyo bana Bakwe zintu zibotu. Elyo Wa kamupa mukaintu, nkabela Ndili lumbide kuli ncico.

¹⁷ Elyo kubona banakazi, cindi Nda baanga ndatenda busiku bumwi, a Lugwalo mu nzila aba banakazi ba Pentekoste njo basama, kusama masusu abo, a kuunka. Yebo watii, “Eco ta cibambi lwandaano luli loonse.” Cila cita ncobeni!

¹⁸ Ndi yanda ku mubuzya cintucimwi. Mukwesu Harrel nkwalii okuno, missionari.

¹⁹ Ku Durban, South Africa, bakali banakazi bakkede alya mbuli bazinswe mbuli mbo banjila mu nyika; tiiba kajisi neziba zisani zya kasumwa, kaniini buyo, katandila mainchi one-, na ali cisambomwe a tuvumbyo kumbele lyabo. Elyo kabaimvvi alya mbuli citanda mbuli mbo bakabede, elyo kabaimvvi ansi kumane aya maleele mapati agambya akacitika aa cibumbili. Elyo kwakali mu nkamu eyo, yakali kutandila bana Mohammedi bali zyuulu zili kkumi (ku ciindi comwe) bakazumina Kristo mu muswaangano oyo nguonya. Elyo mpawo omuya cindi... Aba banakazi, kabaimvvi a baalumi aba, bakazumina Kristo.

²⁰ Elyo Mukwesu Bosworth wakati, “Mukwesu Branham, Nda syoma uleelede kubamba kwiitwa oko alimwi. Nda syoma bakali kwaambala ‘kuponesegwa’ kwa kunyama.”

²¹ Nda kaamba, mubwini, basiku pandulula bali kkumi abosanwe. Nywebo mulizi, citola... We elede kulemba eco nco

kaamba, ciindi ba . . . Yebo wati, "Jesu Kristo, Mwana wa Leza, wakaboola kufutula basizibi." Elyo oyu umwi ulainka "blu, blu, blu, blu," alimwi oyu umwi ulainka "niki, niki, niki, niki," oyo ngu "Jesu Kristo, Mwana wa Leza."

²² Nywebo mulizi, Nda—Nda kali kumvwa bantu kaba kanana mu myaambo, elyo Nda kayeeya, "Ma, eco tacikonzyi kululama." Pele Bbaibbele lya kati, "Taakwe kumvwika kakutakwe bupanduluzi." Ta kukwe. Cindi Ne kamvwa ceeeo, bamwi kaba ceceta mbuli bayuni, bamwi mbuli tuuka, a zintuzyonse. Pele caamba bupanduluzi kuli mbabo, ikuti na kumvwika koonse kwakali bupanduluzi.

²³ Elyo cindi niya kainda alubo, elyo Nda kati, "Ee, mpawo amuleke abo lino bazi ncobeni kuti taali 'kuponesegwa' kwa kunyama, nku tambula Kristo mbuli Mufutuli, Julu kwa kuya, ula syoma mu Mwana wa Leza, ko Mu tambula mbuli Mufutuli wako wacigaminina,amu pwaile ansi mituni yanu!" Elyo bakai sowela ansi. Elyo Nda kati, "Mpoonya awo lino, tambika maanza ako kuli Leza oyo, aku Mu lumbaizya. Uyo kupa Muuya Uusalala!"

²⁴ Elyo kuciindi cakwiima aansi awo, Nda kabona banakazi bakali cinswe kumaninina; elyo Kristo mbwa kabauma buyo, ba kazwa kuzwa aansi a maanza abo kaavungene. Elyo cindi nokaba bona alubo, baka samide zisani.

²⁵ Lino, ikuti na Kristo uyo panga muhedeni (sicinswe) ulaziba kuti uli lubide, kali cinswe, elyo mpawo banakazi abo balyaamba kuba Banakristo a mwaka aumwi waku samununa kwiindila, Nse konzyi ku cimvwisy. Kuli cintucimwi cilubide kubusena bumwi.

²⁶ Ii muhedeni, wiimvvi buyo alya, kazyalilwa mu inyika eyi alimwi takazi kuti wakali cinswe, ta zyi kuti uli cinswe. Pele amulekele Kristo aboole mu busyu bwakwe, ula ziba kuti uli cinswe, cakuti usola kuli yumbya mwini kunji mbuli mbwa konzya, ku vunga maboko akwe a kweenda kuzwa. Kwiinde mazuba obile na otatwe, uyo mujana alimwi, uli samide.

²⁷ Lino kuli cintucimwi cilubide kubusena bumwi, alimwi Ndili masimpe tacili a Kristo. Oh, Ndi yeeya kuti Ijwi lili londokede!

²⁸ Nda botelwa buyo lweendo lwa Abrahamu. Sena mulacita? [Mbunga yaamba, "Ameni."—Mul.] Ndi kkala a ncico kwa ciindi cilamfu, Nda syoma Nda sika kuli *Jehova-Jire* masiku ano. Nda kabweza cibalo, masiku otatwe na one ainda, nkabela kwiina ni ndakasika kuli ncico.

²⁹ Pele mwaka omwe ku ng'anda Nda kabweza ciyo, kukambauka aali Jobu. Ee, kutandila mwaka Nda kali mu Bbuku lya Jobu, Munsono lyoonse a Bwatatu, muli Jobu. Elyo kumalekelo Nda kamunyamuna kusikila wa kakkala acilwi catwe. Nda kamubikka okuya kutandila mvwiki zyotatwe na

zyone. Elyo mucizi omwe—omwe muyandisi a camba cikubwene ku ndilembela, waa kati, “Mukwesu Branham, ndelili noya kusola kugusya Jobu kuzwa ku cilwi catwe?”

³⁰ Ee, Ndi yeeyela kuti mulagambwa cindi Neya kusola kuleta Abrahamu atala kuyo bona Jehova Jire.

³¹ Pele Nda kajisi kaambo kapati. Abrahamu...Na, Jobu kakkede alya atala lya cilwi catwe, Elihu kaambaula: Leza kasunka musalali. Kacileta coonse mukati, kusikila Nda sika ku kasena oko nko Nda kali kukonzya kudubula, kabamba zintu zyoonse kulibambilila. Mpawo Mwami waka seluka ansi mu kambizi aka, a ndabo zyaka talika kumweka, a minzumo ya kadilima. Elyo Muuya wa Leza wakasika aa musinsimi, wa kakkala aa matende aakwe, kati, “Ndi lizyi Munununi wangu ula pona,” amulangilile “Munununi.” “Elyo ku mazuba akumamanino Uyo imikila aa nyika. Elyo nekubakuti tuuka twa lukanda twa nyonyoona mubili oyu, nekubabobo mu mubili wangu Njo bona Leza; Oyo Ngweyo bona lwangu, meso angu ayo bona, a kutali umbi.” Oh, ino nciyyo okuya! Ca kunjila mukati, catola kaindi kubamba bantu kuba muciiimo bonse, Muuya uluzi, mpawo ku cinjizya. Alimwi mpawo cipaililo kundandamikwa akuzula bantu, kabeempwa.

³² Buyo ikuti na wasololelwa a Muuya, koliiba buyo ku ciindi cako kusikila wa sitikizya mukati. To citi, uya kudubula mujulu maningi na kudubula mumbali maningi, na cintucimwi. Atu cibambe kuba ziro, Bbaibbele! Nda syoma kuti Leza uyanda kuti tu tondeke kumaninina. I Muuya Uusalala waka zibisigwa a baapostolo, na ba kasitikizya mukati a Muuya Uusalala, mubwini. Elyo Nda syoma inga twa cita cintu nciconya, kwiinda ku Ijwi ndilyonya. Lya uma mbaakanani! Elyo ikuti na ca yuuma ciindi cimwi, eeni akati, cila konzya ku yuuma alubo! Pele weeledie kusitikizya mukati! Koba masimpe kuyoya kwako, kukwela kwako, zintuzyonse zili luleme buyo. Nda dubula mbaakanani; Ndi lizi mbo cibede, kubikka mu kweelana, a ntobolo iyo sitikizya.

³³ Ciindi cimwi Nda katuma kkobili niini ya makumi ali ciloba aosanwe kujoka ku Winchester Company, buzuba bumwi. Elyo tii Nda kakonzya kucibamba kuuma kutandila thrii...na kkota ya inchi, ku mayaadi aali makumi osanwe. Elyo Winchester Company yaka ijosya kuli ndime, kati, “Mufundisi Branham, eyo ntobolo ibambilidwe biyo ku—ku nkamu ya kudubula nkamu yabosanwe, inchi ku mayaadi ali makumi obilo aosanwe.” Lino eyo yakali kkampani yaka cibamba. Ndi lizi bwandeene. Nda kauma ncobeni, aa muncali, cakululama, yotatwe cakugama, twanzikidwe twa kkapeti, ku mayaadi ali makumi osanwe, a njiyo. Aboobo Nda kalizi kuti caka simpwa kumaninina. Aboobo Nda kazumanana buyo kulicenga a ncico, a kuli cenga ancico, mane Nda kacijosya alubo.

³⁴ Lino, cintu nciconya nkwiinda ku Ijwi lya Leza. Ezyo zintu baapostolo nzoba kacita, ezyo zintu Kristo nzya kasyomezya, tweede kusitikizigwa a Ijwi, a Muuya. Ikuti na cakacita ciindi cimwi, ciyo cicita alubo, nkaambo Ngu Leza. Elyo Leza ndi Ijwi, alimwi Ta konzyi kukakilwa.

³⁵ Ikuti nkwiima kumwi, ntobolo kaita jisi loko munzila *eyi* muntobolo ya mujanza, kaita jisi aniini na kujatisya maningi, kufumbwa ciyaanga, inga wabikka kulema kwa munwe wako a raifo, elyo (ila dubula kabotu) kulema kwa kanwe kako kuyo iwaala. We elede kuba a zintuzyonse zilondokede.

³⁶ Eyo nje nzila mbo mwellede kucita mu Bunakristo, kubamba Ijwi, kuli bamba kuyubululwa a kulilemeka kabotu, lwako a Ijwi a Leza, ceelede kulondoka, elyo mpawo uyo sitikizya. Weelede kuba! Aboobo nkikaako, mu kukambauka, weelede kumvwa Muuya kabotu buyo, mpawo kumanizya; ngooyo uyo unka, uyouma ku mbaakani.

³⁷ Mpawo bantu bakkede koonse, ziindi zinji bantu balaamba, “Mukwesu Branham, Nse mvwide kujatikizya miswaangano yako.”

³⁸ Nse jisi masena mbuli bakwesu bamwi mbo bacita. Bali jisi ma magazini, bali jisi—bali jisi redio, cipekupeku. Nda langalanga buyo a kusola kwiiininna Mwami Jesu. I bantu bala cibona, bala cisayoma, balaba kabotu. Leza uli cizi, nkukoonse oko nko kuyandika. Mwabona? Ta tuciti, ta tuli... Takukabi makani aakale alebedewe. Muta pengi kujatikizya ceco. Takukabi ciindi ca bulempo bwa makani aakale. Nda syoma kuti Jesu ulaboola. Kuteeti, Nda cisayoma. Elyo Ndi yanda kupona sunu mbuli kuti Ula boola sunu na juunza. Kutali zikolo zipati ncobeni, azimwi zimbi. Ino tu citilaanzi zintu ezyo, elyo mpawo kukambauka Jesu kuti ulaboola? Baa, milimo yesu ini ilatu lungulwida. Mbo mbubo. Jesu ulaboola, atube, mubambe mbungano kulibambilila kuli nkuko! Atu libambile. Oh, obo Mbwe Mu yanda!

³⁹ Atu kotamike mitwe yesu lino ku ijwi lya mupailo. Oh, obo Mbwe yanda kubona bantu cindi caku batama loko kukotamika mitwe yabo. Lino atu kkale buyo zii aniini, a kwiiya. Lino tu yanda kubweza ciindi cesu. Juunza Munsono, sabata, buzuba bwa sabata bwa Bunakristo. Elyo Nse yandi kuti muccelwe ku kwiiya kwa Munsono, nekubakuti ta tuyandi kubinda ku zintu ezi.

⁴⁰ Amuyeeye lino, “Mwami, sa kuyandisya kwangu mu moyo wangu sunumasiku kweendelana ku luyando Lwako?” Ikuti na mbo cibede, mpawo amu ciyeeye. Mpawo ikuti na wa ciyeeya, kuyanda kwako, a kucilanga ku mabambe aa Leza. Ikuti na ciboneka kululama ku mabambe aa Leza, mpawo Ndi yanda kuti utambike janza lyako kuli Leza, a kwaamba, “Leza, kondi yeeya, eci nce Ndi bulide.” Koyeeya buyo canguzu

loko. Leza aku longezye. Ncibotu. I Mwami amu longezye. Eco ncibotu. Amuzumanane buyo kutambika maanza anu. Ula bona onse. Uli zyi zintu zyoonse. Eco ncibotu. Leza aku longezye. Ameni. Mwami aku longezye. Eco ncibotu. Amuzumanane buyo kuyeeya, kutambika maanza anu. Lino Ndila langilila janza alimwi mbuli mbo lyeenda mujulu. Yaa. Kuli kabotu.

⁴¹ Taata Wakujulu, twa boola lino, kuswena alubo mu Zina eelyo lili jisilidi lya Mwami Jesu, atala ku Cuuno cabwami ca Luse. Mbuli sikuyabila mbwa kaamba, "Ndilekele ku Cuuno cabwami ca Luse, njane kwaanguluka kubotu." Elyo, Leza, myoyo yabo ilimedwe ku cintucimwi. Elyo abalekwe lino, ku Cuuno cabwami ca Luse, kuti bajana kwaanguluka oko Leza nkwa bapa, i Musilisi mupati, a lusyomo lwa ceeco ncoba bulide.

⁴² Ndatambika maanza angu obilo. Ndi jisi kubula. Kondi yeeya, Mwami.

⁴³ Yeeya bantu aba boonse awa baimininwa a tutambala otu. Oh, obo bumboni mbo bwanjila nkaambo ka zintu ezi. Lulemeko. Kulaale atala lya zilundu ezyi zya musenga awa, abusenabumwi, bamatumbu abatamata, bavwanda, baniini baciswa, bantu mu cibbadela, taata mudaala moofu kakkede kusule mu kaanda kaniini ujisi mufunko mu janza lyakwe, kulindila kubweeda kwa tutambala otu. Leza, koba siluse. Kopa, Mwami, kuti kufumbwa mutu ngo babikka, akube kuti sinkondo asweekelwe nguzu zyakwe ansana, akube kuti baunke a kuponesegwa. Ngooyu umwi walembedwe atala awa, "kkulenge." Lekela dyabulosi oyo aba angulule, Mwami. Akube kuti Muuya Uusalala, mbuli Leza mbwalanga ansi kwiinda mu Bulowa bwa Mwana Wakwe Mwini oyo wakafwida bukanze obu, akube kuti mulungo mupati ukkwanisyé sunumasiku, a lusyomo kalu kunka kapati ali mbabo, alimwi akube . . . na cakuvula, kuti bakonzye kutambula kuponesegwa kwabo. Ko cipa, Mwami.

⁴⁴ Longezya Ijwi Lyako lino. Kogwasya mulanda Wako, kotunanika ku kuswaangana. Konanika moyo onse oyo umvwa. Elyo tuyu kanana buyo lino, Taata. Ko twaambila eco ca kwaamba, a ku twaambila cakucita. Tu langila kuti Uyo oba a ndiswe mu muswaangano.

⁴⁵ Nda Kulumba ku nyimbo zibotu sunumasiku, ziimbo ezyo zibotu. Oyu mwaalumi mukubusyi kusule awa, Mukwesu Heimer, wazwaa kwiimba ciimbo eco cibotuloko, *Muna Galilaya*. Akube kuti oyo Mweenzu muna Galilaya aboole mukati lino sunumasiku. Akube kuti tumvwe jwi Lyakwe kwaamba ku mizeezo yapenzegwa, mbuli Mbwa kacita maanzi aselauka "Luumuno, ka lucilikoo." Elyo akube kuti myoyo yoonse yapenzegwa aponesegwa. Twa cilomba mu Zina lya Jesu. Ameni.

*Elyo wa kaita zina lya busena i Jehova-jireh: mbuli
mbo kulembedwe, Mu cilundu ca Mwami ciyo bonwa.*

⁴⁶ Lino tu yanda katalika a ciimo eci cipati. Elyo juunza... Lino, Mwami nawayanda, tuyo sola kusika kumamanino aa Abrahamu sunumasiku. Elyo juunza, ndiza cibalo aa kuponesegwa kwa Buleza.

⁴⁷ I Mwami wali kabotu kuli ndiswe awa. Twa kali kumvwa bumboni bwa zintu ezyo zicitika. Elyo kondwa loko! Elyo twa kajisi busiku bumwi, mundando wa mipailo uumanimide, na ku baita. Elyo kwakanyina umwi uukompeme oyo ngo twa kabona mu buyake, whilucceya, kulikoonse, pele abo bali atala, keenda koonse, kayabuya.

⁴⁸ Alimwi eno abusiku Muuya Uusalala waka njila mu Busyu Bwakwe bulemu, bupati busetekene, alimwi bwaunka kwiinda mu bbunga, kabutondezya Mwini, kuti Mpali ano. Mpawo, tweede ku Mu syoma. Mwabona, Walo uyanda kuti mu Mu syome. I lulemeko lupati maningi olo ndo konzya kubbadela Leza nku Mu syoma. We elede kusyoma. "Oyo uboola kuli Leza weelede kusyoma kuti Mpali." Elyo lino amu Mu syome!

⁴⁹ Elyo mbuli Mbwe bweza Abrahamu, lweendo, nku kaambo buyo kakuti Ndi sola kuyaka lusyomo ku ciindi cipati loko, kulekela bantu kubona kuti mbaani.

⁵⁰ Eelyo nde penzi. Ndi jana misela yobilo ya bantu, mbuli Mbwe enda. Umwi wabo ngwa pentekoste, umbi ngu simbaakani. Lino, basibukombi bwambaakani balizi busena mpo bapede, akuti mbaani, pele taba jisi lusyomo pe ancico. I pentekoste ijisi lusyomo, pele taizi kuti mbaani. Lino, cili buyo mbuli muntu oyo ujisi mali mu bbanki, pele tazi nzila ya kulemba cceki; elyo umwi umbi inga walemba cceki, nkabela taka jisi mali mu bbanki. Ikuti na wakonzya buyo kuba bikka antoomwe, cintucimwi inga cacitika. Yebo lyoonse ula jana lusyomo lwa pentekoste a njiisyu ya mbaakani, ikuti na wakonzya kusola... na kusala njiisyu ya mbaakani a lusyomo lwa pentekoste, cintucimwi ciyo citika. Mbo mbubo.

⁵¹ Lino, obo Mbwe yanda kupa bumboni awa, cindi Ne kabona, cikolo ca Lutherani, bali myaanda yone bakatambula Lubbizyo lwa Muuya Uusalala kuciindi cakukanana kuli mbaboo ali ncico. Oh, ma, kwakali kubonekela kwabulemu, ku kubazibya obo. Tabali obo, nkaambo mba Lutherani, taba balidwe.

⁵² Taakwe cintu cilwana muna Lutherani, Baptisti, Methodisti, kufumbwa obo mbobede, Katolika. Nse lwani zintu ezyo. Nse lwani bantu abo. Calo ncianza cibajata, nceeco Nce kanana kulwana. Taakwe kulwana mugame, boonse mbantunsi abo Kristo mba kafwida; Katolika, mu Juda, kufumbwa mbwanga waba. Calo ncianza. Mbuli bana Muhammedi, ba Sikh, Jaini, na kufumbwa mbo cinga caba, ncianza. Buddha ncianza, mwabona. Kutali bantu abo—abo bakomba Buddha; ncianza eco cibagusya.

⁵³ Eco nce cintu nciconya. Jesu takali kulwana bantu. Wa kabafwida. Pele ezyo ziyanza zyakali ku Mu tantamuna, ku kuba tantamuna kuzwa kuli Nguwe. Eco nce cintu eno.

⁵⁴ Lino Nda kayeeya, mu kubweza Abrahamu, mukuziba kuti cakali kuli Abrahamu cisyomezyo caka pegwa, a Lunyungu lwa Abrahamu mbuli nguwe. Lino atu jokele aniini a kujana ntalisyo, a kuboola sunumasiku kugama ku cibalo lino kwa kaindi kaniini.

⁵⁵ Elyo makkaadi aa mipailo ayo pegwa ku muntu uli oonse uyanda kukombelwa. Elyo swobo, ikuti na tii twaba bweza boonse sunumasiku, tuyu babweza juunza. Elyo kufumbwa muntu uyanda kukombelwa weelede kuba a kkadi lya mupailo. Elyo koba okuno a wani theeti juunza, ku kubweza kkaadi lyako lya mupailo, nkaambo tu yanda katalika muswaangano mpawo. Elyo tuyu kombela muntu oonse oyo uujsi kkadi lya mupailo juunza. Twa kali kusola, kwiinda mu masiku, ku jana abo bata jisi makkadi amipailo, kutegwa abo bajisi makkaadi aa mipailo bayooba a coolwe ca kuba mu mundando wa mipailo. Elyo bamwi baitwa okuya, kakutakwe makkaadi aa mipailo. Ayo ala bweza obilo, mabazu obilo. I kkadi lya mupailo ta lyaambi cintu. Pele wapa muntu kkadi lya mupailo, kuli batandila ku peseenti ili foote baponesegwa mpoonya buyo, ndinywe muyeeya kuti wiinda mu mundando; cintucimwi nca konzya kujata, cintucimwi nca konzya kulanga, na cintucimwi. Elyo i—i mulombe uyo vozya makkaadi aa mipailo juunza aa wani theeti, kutegwa batabiko aa tuu okuloko, kutegwa kubeleka i—i kumwi kwabuzuba bajana.

⁵⁶ Elyo nywebo nomuyanda cifoto, bbuku, na teepu, mweelede kuba sunumasiku. Taakwe kusambala Munsono; tii twazumizya ceeco, ku basambala. Tula lemeka Munsono, muta sambali nokuceya Munsono. Elyo aya mabbuku a zintu, tazili cintu kuli ndime, alo mabbuku bantu ngo ba kalemba kujatikizya mulimo wangu. Zifoto ezyo Nkamu ya America nzoya kafotola cifoto, alimwi izulilwa ku Douglas Studio, cakkopiraiti. I bbuku lizulilwa ku Mukwesu Gordon Lindsay a Mupaizi Julius Stadsklev. Tula zyuula a kuzileta ku muswaangano, a kuzisambala kutandila mbuli mbo tu zijana, a kusweekelwa ali nzizyo. Elyo lyoonse twa kaamba eci, ikuti kufumbwa... Nda kaambilan bantu abo basambala mabbuku, "Ikuti na mwaalumi na mwanakazi waboola kutala kuya, muntu mucete, ta jisi mali aakuula bbuku eelyo; amu lipe kuli mbabo, nekuba. Elyo tuyu... Ndiyo bona kuti cakabambwa." Elyo ikuti na wakaula bbuku nkabela talyeelel obo mbo lyeelede kuba, koli josya. Takukabi omwe uyo jokela kwiina cintu pele kupa mali anu kujoka, mwabona. Ngu cintucimwi buyo ca kugwasya lusyomo lwanu. Nkukoense nko tusola ku cicitila, nape nitwa taka cizumizya kuba kokuno. Mbo mbubo ncobeni. Aboobo eno masiku sunu, amuyeeye, ba yooba kubusena kutambalilwa

mabbuku. I mweenzuma wangu mubotu, Ba. a Muka. Wood. Ni Ndali jisi ciindi caku mwaambila bumboni bwabo, obo mwana wabo mbwa kaponesegwa ku poliyo. Elyo zintu zinji zimbi zya—zya citika, zya bantu abo bali muno mu muswaangano.

⁵⁷ Lino atu tondezye ntalisyo ya Abrahamu. Lutaanzi, Leza waka swaana Abrahamu, kajisi zyeelelo, cipangano Nca kabamba kuli Abrahamu. Taakwe cintu pe; Abrahamu taka jisi cakucita cita kusyoma Leza. I cipangano cakali kunjoloma ku luzyalo, alimwi cata kajisi zyeelelo. Kutali “ikuti na uyo cita.” Leza wakati, “Ndili jisi!” Elyo lino muntu aumwi . . .

⁵⁸ Amuyeeye, loonse Lunyungu lwa Abrahamu olo lwakasola kuboola kuli Leza, lulaboola munzila njiyonya. Taakwe cintu nco konzya kucita! Inga tokonzya kuli futula omwini mbuli mbo takonzyi kubweza mabbanti aku maulu ako aku sotokela ku mwheezi. To konzyi kuli futula omwini. Taakwe muntu wakasola kuyandaula Leza; ngu Leza uyandaula muntu. “Yebo toka Ndi sala,” wakaamba Jesu, “Nda kakusala.”

⁵⁹ I citaanzi, eno, sa inga wainka awa akwambilila ngulube kuti taluzi, kulya ntimba? Uyo kwaambila kujanika ku mulimo wako wini. Pele inga ceelede kubweza cintucimwi eco cikonzya kucinca bupange bwakwe, ku mubamba kumvwisya kuti uli lubide. Cintucimwi ceelede kucitika ku ngulube, lutaanzi.

⁶⁰ Ako nkekambo bategwa Banakristo ziindi zinji bakabumbuluka mu ntimba, kujokela mu cibi, nkaambo . . . Inga wasanzya ngulube, akupenta mala akumaulu ayo, kubikka musila ku milomo. Kuti, eco cili lubide, kufumbwa mbo cibede. Nzila yaku milomo, embo na, na cintu cimwi? Nda luubwezeded oyo, zintu ezyo zyoonse, kunyongana. Nywebo mulizi mboubede, nekuba. Kobikka mujembwe wangulube wakaindi apauda waku milimo alimwi—alimwi, yebo ulizi, kucita milimo yonse imbi kuli njijo, elyo uyo unka nkoonya kugama ku ntimba, a kubumbuluka alubo. Nkaambonzi? Yalo ni ngulube, kuzwa kumatalikilo. I nzila biyo njoya kusola kumubamba bwandeene kuli konse, nku cinca bupange bwakwe.

⁶¹ Eyo nje nzila luzutu mwaalumi a mwanakazi mbo bakonzya kusola kweendelana a Leza, nku cinca bulenge, kusalala, kufubu ku cibi ca mudaala, a kuzyalululwa kwiinda ku Muuya wa Leza. Elyo, nkokuti, Kristo Muuya wa Leza, alimwi Kristo ndi Ijwi. Mpawo ulungululai Ijwi. Eyo nje nzila ilikke njo bayo sola kucicita.

⁶² Lino, Abrahamu wakali kuyandaula Munzi Oyo wa Muyasi a Sikupanga wakali Leza. Elyo sunu tuli bamuzwamasi, beenzu, balangila Munzi Wa Muyasi a Sikupanga ngu Leza. Amulange! Abrahamu, katana kusola kuziba, kwakali cintucimwi mbuli bube bwabulenge muli nguwe, kuti wa kali kuyandaula Munzi.

⁶³ Sunu, kwiinda kunselelo a mukaintu, Ndali kwaamba, “Ii busena buboto buniini awa nke kkede aa cilundu, ndiza myaka

ili myaanda yotatwe yakainda; zisamu zibotu, zisamu zipati zilamfu. Muntu waka njila, bala zigonka, kusofwaazya tulonga. Inga bwaba busena bubotu bwa kukkla okuno.” Inzya, pele amulange, wa kayaka maanda. Mpawo ba katalika kuvuzizya. Cibi a luuni zya katalika kunjila. Hollywood yaka njila munsi kuli nguwe, kaileta mukati kwiinda ku cipekupeku, kwiinda ku televizhioni. Ku... Elyo lino ili galankene, yabubi, dolopo lyoonse!

⁶⁴ Elyo masimpe, mbuli bantu, cintucimwi cili muli mbabo cilayanda kupona antoomwe, kuli simukobo nyokwe, a kuba mululami. Kuli Muunzi ncobeni kubusena bumwi! I Kuvuuma kwiitila Kuvuuma alubo!

⁶⁵ Elyo Abrahamu wa kabona minzi ya buzuba bwakwe, Ur wa Chaldia. Elyo wa kalizi kuti nkaambo kwakali cintucimwi muli nguwe cakali kwiita, kwakali Munzi waka indene, Oyo wa Muyasi a Sikupanga wakali Leza. Elyo Leza waka bona eco muli Abrahamu, ka mwaambila, “Kolyandaanya lwako lino, ko boola.”

⁶⁶ Lino, Abrahamu, cintu comwe Nce yanda kuti mubone, wa kaswiilila Ijwi lya Leza ku lugwalo.

⁶⁷ Lyoonse amuyeeye eco! Oyo Mulumbe wangu. Mweelede kuswiilila Ijwi. Elyo mukuziba cintu ciimpene kuli Ndilyo, ko cisiya cilikke. Inga caboneka kabotu, pele muta kazyanyi a Ijwi lya Leza.

⁶⁸ Eco nce cintu citaanzi Saatani nca kacita, cakali kulwana Ijwi lya Leza, kuli Eva. Elyo taakwe naka Li zumbauzya. Waa ka Li buzya buyo. Saatani waka Li buzyabuzya.

⁶⁹ Elyo nje nzila njoba cita sunu. “Sena tacili cibotu kuti tweede kucita *ceeci?* Sa tacili cibotu?” Ikuti na ci Iwana Ijwi lya Leza, ko cisiya cilikke! Ndi jwi lya Saatani.

⁷⁰ Lekela Ijwi, ikuti na Ijwi lili muli nduwe... “Ikuti na mwakkalilila muli Ndime, a Ijwi Lyangu muli ndinywe, mpawo amulombe eco nco muyanda.” I Muuya Uusalala! “Amu kkale muli Ndime, Ijwi Lyangu muli ndinywe,” eelyo ndi Ijwi lyakaba mu mibili wabantu, “amulombe eco nco muyanda nkabela ciyo citwa.” Eyo nje nzila. Gwisya tunsiyansiya toonse, zintu zyoonse, a kujatilila ku Ijwi nkaambo ngu Kristo. Amubone, mpawo ciyo liyubulula cini.

⁷¹ Umwi wakati, “Mukwesu Branham, mbobuti mbo ziba zintu ezyo. Mbobuti?”

⁷² Ezi nzomu bona aawa mu muswaangano nzintu nzya buce. Uli onse weenda a miswaangano okuno, ulizi. I Muuya Uusalala ula yubununa zintu ezyo ziboola mvwiki a myeezi akati ka ciindi. Elyo amubuzye uli oonse, “Sena cakasola kukakilwa ciindi cimwi?” Ta cikonzyi kukakilwa, mwabona. “Mbobuti mbo cizyi?” Nkaambo ncisyomezyo ca Ijwi, alimwi oora lili waano.

Lye elede kicitika. Lino, Ta ndizi, kuli basyoonto loko, bace bayo cisayoma, pele ceelede kuunka mbubonya buyo. Alimwi sa mwakasola kuziba, cilainka atala lya mitwe ya bantu, alimwi calainda a kicitwa kabatana kuciziba. Lyoonse munzila eyo.

⁷³ Kuli ndinywe no bantu ba Katolika, mulizi eco mbungano yanu nco yakacita? Nkaambo Joan wa Arc wakali ii—ii musalali wini wa Leza, waka cita maleele aa Leza, akasinsima aa Leza. Elyo wa kamwiita kuti mulozi, a kumuumpa ku cijailo; elyo walo kakwiilila luse, elyo mwaka muumpa ku cijailo. Myaanda ya myaka yakaccilila, mwa kaziba kuti mwakalubila, mpawo mwaka panga musalali kuzwa kuli nguwe. Waa kaindilila ncobeni atala lyanu, nkabela tii mwaka muziba.

Eliya wakainda mo, teeba kamuziba. “Silweeno mudaala!”

⁷⁴ Kristo wakainda mo, tiiba ka Mu zyi kumane lufu Lwakwe, kuzikkwa, a bubuke Bwakwe. Leza wakabikka eco. Alimwi ci kwela buyo boyabwambelele ku meso aa sikutasyoma. Elyo kutondezegwa... Wa kati, “Nda cisisa kuzwa ku meso aa basongo a basimaanu, a ku ciyubununa ku bana mbuli baabo bayo iya.” Kristo wakalumba Leza ku kucicita. Mwabona?

Kolibomya lwako. Ko cisayoma. Soleka Ijwi.

⁷⁵ Jesu wakati, “Amulingule Magwalo, nkambo muli ngawo muyeeya kuti mujisi Buumi Butamani, alimwi nge ngawo a Ndi lungulula. Mwa keelede kuziba oora.” Kati, kaambila ba Farisi kuti, “Nywebo basikuupaupa, mula konzya kuziba busyu bwa mulengalenga. Pele zitondezyo zya ciindi, tamu konzyi kuziba. Nkambo ikuti ni mwaka Ndi ziba, nimwa kaziba buzuba Bwangu.” Kabainda atala lyabo, teeba kacizyi mane caka mana kicitwa. Amubone eno Ijwi mukuba liyandisi loko!

⁷⁶ Elyo amubone cimbi, kuciindi notuli ali ncico, Lota. Jesu wakati, Mwini, “Amuyeeye mukaintu wa Lota.” Ikuti na Ijwi talili liyandisi maningi, ikuti na kubuzyabuzya kuli kabotu; cindi oyo Angelo nakati kuli Lota a mukwasyi wakwe, “Koya ku Zoar, pele uta cebuki!” Elyo mukaintu wa Lota, aa cintu ciniini cigambya mbuli kunyona a kucebuka, pele caka liimpene ku Ijwi, waa kasanduka kuba ndombwa lya munyo.

⁷⁷ Mpawo wati, “Kwaambila banakazi kujatikizya kugela masusu abo, kusama zisani...?” Leza wakati muta cicit! Amu tobole Ijwi. Lota waka jisi, kwiinda kuzumbauzya, mukaintu mubotu, pele ta katobela Mulao ku Ijwi. Lota! Eva wakali mwanakazi mubotu, pele ta katobela Mulao ku Ijwi; waka buzya buyo aniiini a ncico.

⁷⁸ “Sa tacili cibotu, Mukwesu Branham, kuti tweede kucita ceeci? Ndili sicisi muna America, Ndi—Ndi jisi nguzu zya kucita kufumbwa Nce yanda. Eco ncoolwe cangu cina America.” Ncoolwe cako cina America, pele kutali coolwe cako ca Bunakristo. Nkambo, kwiinda ku Munakristo, uli mbelele; alimwi mbelele ulituula inguzu zyayo. Ila lala zii aku kulekela

kugusya nguzu zyayo zyoonse nzoi jisi. Pele mpongo iyo bbansa cabukali kujatikizya ncico. Mbo mbubo. Pele mbelele ila leka inguzu zyayo. Elyo Munakristo lyoonse ulaleka inguzu zyabo zya cisi ikuti na zya liimpene ku nguzu zyako zya Bunakristo.

⁷⁹ Mukaintu wa Lota wakalanga buyo kusule, [Mukwesu Branham wanontola kanwe kakwe—Mul.] eco cakali neico! Lino ino eco cakacita nzi? Cila twaambila awa muli Abrahamu, a Lota, kuti cintu eco ncoba kabamba kuya, mukozyanyo. Elyo ta tukonzyi kuzwa kuli neico.

⁸⁰ Bahebrayo, cipati 11, yakati, “Ezi zintu zyakali zya mukozyanyo wesu. Mukubona kuti tu zungulikidwe a kkumbi pati lya bakamponi. Tweede kubikka ambali zibi zyonse.” Ino cibi ninzi? Kutasyoma! “Cibi coonse, kutasyoma koonse kwa Ijwi lya Leza, eco citu nyonganya cabuteteete loko.”

⁸¹ Twa boola kulwana cintucimwi, kwaamba, “Ee, ba kambauka *ceeco*, kuti *eco cakali* . . .” Uta citi *ceeco*! Kocita buyo eco Leza nca kaamba kucita. Kokkala a Ndilyo, ku lugwalo!

Kwaamba, “Ta cibambi lwandaano luli loonse.”

⁸² Yaa, cintu biyo Nce konzya kwaamba nceeco Ijwi nco lyaamba. Elyo Jesu wakaamba cigaminina kuti, “Amuyeeeye mukaintu wa Lota.” Waa kalanga buyo aa kkuko lyakwe. Eva wakaimikila biyo kwa kaindi kaniini. Nku konse nkwa kacita. Mukaintu wa Lota waka cebuka buyo. Elyo ikuti . . . Leza wakanyona muntu oyo mululami, Lota, mukaintu wakwe, ku cilundu ca munyo, kwiinda ku cintu buyo ciniini loko, kuta swiilila Milao Yakwe kweelela kucebuka buyo akubona onse mulilo oyo kuti wakali wanzi, elyo waa kasanduka kuba ndomba lya munyo, nkabela uli imvvi awo asunu mbuli mukozyanyo kuti Leza waamba eco Nca amba.

⁸³ Oh, ikuti na lusyomo lwini lwakonzya kujata mu bantu! “Lusyomo lulaboola ku kumvwa, kumvwa Ijwi lya Leza.”

⁸⁴ Eva wa kaima kwa kaindi kaniini. Nku koonse nkwa keelede kucita. Saatani waka mujata, a kucibuzya buyo a nguwe. “Satacila cibotu? Ikuti na Mucizi *Niini-a-niini* inga wacita *ceeco*, sa inga tocicita, ayebo? Walo mukaintu wa mweembeli.” Ta ndikwe makani na nguni, na nguni mbwabede. Ikuti na ciliimpene ku Ijwi, muta swiilili kuli ncico. Amuzumanane cigaminina! Mikozyanyo!

⁸⁵ Eyo nje nzila Abrahamu mbwa kacita. Nkunji buti kuyeyya nko tuyeyya kuti i—i sayaansi ya masilike mboya kali kukonzya ku mupa, wa buzuba obo, kuti ta kali kuyooba a muvwanda ulya? Elyo ino kujatikizya cindi nakali makumi ali ciloba ayosanwe? Mpawo tula mujana cindi na kali mwaanda, wa kacili ku cisyoma canguzu kwiinda mbwa kacita busena butaanzi, kajisi myaka ili makumi obile ayosanwe ya kuzumanana kuyaka lusyomo lunji aali ncico. Nda botelwa eco. Iiyi, munene.

⁸⁶ Mpawo Ndi yanda kuleta kuswiilila kwanu ku cintucimwi cimbi katutana kunyamuka. Sena mwa langisya? Nda—Nda syoma kuti mwa cimvwa. Aa cipangano eco muku simpikizigwa, kwiinda ku kulemba cipangano eco a kucizapaula, sa mwa cimvwa? Amunyamune maanza anu ikuti na mwa kamvwisywa nco cakali kwaamba. Cipangano cakalembwa, kazapaulwa, Leza kabweza luyubunuko lwa triniti, kulubamba muli comwe; kauzapaula, kauzapaula mubili Kujulu, a kujosya Muuya Uusalala ku kupona mu Mbungano, kuleta cintu nciconya eco mubili nco wakazyala, mbuli mukaintu, Nabwiinga; nguonya Muuya, mulimo nguonya, Njiisyso njiyonya, zintuzyonse mbubonya buyo nzila Mbwa ka cijisi, citondezyo nciconya, “Jesu Kristo mbobuca nguwenya, sunu, amuya myaaka.” Amubone!

Inga kwaba, kukakatila, mu Juda uukkede awa.

⁸⁷ Mwabona, Leza ulacita zintu ezyo, alimwi cila zumanana ncobeni akati ka bantu elyo nekubaboobo taba cimvwisyi.

⁸⁸ Mbuli Mbwe kali kupandulula kujatikizya kaambo banakazi ncoba vumbilila busyu bwabo cindi bakwatwa. Nkaambonzi? Inga tiiba mvwisywa eco. Pele eco ncoba cita, nku, mukuziba kuti bali mubili, taba jisi mutwe, mwaalumi ngo mutwe wabo. Ako nkekaambo Rabeka wakali vumbilila mwini. Elyo nke kaambo Mbungano nco yeelede kulivumbilila lwayo a kulipa mwini kuli Kristo, nkaambo Walo Mutwe, alimwi Walo ndi Ijwi.

⁸⁹ Lino, mu Juda, Yom Kippur, cindi babweza mualililo, na Pasika, uli onse ulizi, oyo mu Juda, akuziba kuti kunsi lya civunizyo ku kakkosha kakomwedwe. Elyo kunyina mu Juda oyo Ngwe zyi, oyo Ngwe kasola kwaambaula awe, ukonzya kupandulula kaambo ku kabeela ako kakkosha kakakomonwa. Baa, nceeci we mu kusimpikizigwa kwa cipangano, mubili wakatyolwa wa Kristo, cindi Na katyola Leza kuzwa ku muntu; Wa kali kobilo Leza a muntu. Elyo cindi Na kabweza Muuya... Elyo Jesu wakati, amuswiilile, “Ku buzuba obo moyo ziba kuti Ndili muli Taata, Taata muli Ndime; Mebo muli ndinywe, a nywebo muli Ndime.” Ngu Leza mu bantu Bakwe! I Leza nguwenya!

⁹⁰ Wa kaimininwa okuya, oko nko twa kaambaula busiku bwainda. Leza waka seluka, mupati M-w-a-m-i, Jehova-Jire, Jehova-rafa, Jehova-manase, Elohim, Umwi ujisilidi Zyonse, Umwi Muyumu, Umwi Sinkolo, oonse mabande Aakwe a zintu zyoonse, kutondezegwa mu mubili wabuntu oyo ulya cakulya cabuntunsi, a kuzimaana mu meso abo. Leza!

⁹¹ Elyo Jesu, cindi Na kasika, Wa kati, “Mbuli mbo kwakabede mu buzuba obo, mbubonya mbo kuyooba.” Leza!

⁹² Ako nka kkosha kakomwedwe kunsi lya civumbyo, kabeela kakomwedwe; kutali eco ncobalya, pele Eco cikomwedwe. Nkaambonzi taba cimvwisyi?

⁹³ I nzila njiyonya cindi Jesu nakabweza i—i bupanduluzi a kutalika kubala. Wa kabala cibeeela ca kampango, a ku cisiya, zimwi zyaco, nkaambo kakali luleme kuli Nguwe ku buzuba obo. I kumwi kwa kampango kwakali kujatikizya Kuboola Kwakwe Kwabili.

⁹⁴ Ako nkekaambo ba Juda ncoba tamvwisyi eco, nkaambo bakacita kofwaazigwa. Tiiba kabona Mesiya wabo, elyo nekubaboobo Wa kaliko. Alimwi ciindi aciindi nobalya Pasika yabo—yabo, kuli kakkosha kakomwedwe alubo, akuta kaziba.

Nda kabuzya rabi. Wa kati, “Twa kayiisigwa kucita ceeco.”

Nda kati, “Nkaambonzi nco cicitila?”

Wa kati, “Ta ndizi. Taakwe muntu umbi uuzi.”

⁹⁵ Mwabona, mwanakazi ula vumbilila busyu bwakwe, nekubaboobo ta mvwisyi. Mubusena bwa kunjila a kulekela mulumi wakwe kuba mutwe wakwe, walo mutwe wa mulumi. Olo ndusandulo. Lino oko nkulanganya kwa America.

⁹⁶ Pele nke nkako, kakkosha kakakomonwa. Mpawo alubo tula bona, alubo Nda kali kuyanda bulembu awa, mu kutalika lino katutana selemuka ku cibeeela cini nco tu yanda kukanana sunumasiku.

⁹⁷ Busiku bwainda mula yeeya kuti cindi Abrahamu, cipangano cakabambwa a Abrahamu a Lunyungu lwakwe lwakali kumutobela. Lino, kwakali lunyungu lwa kunyama ilwa Abrahamu, kwiinda ku mucito wa lusyomo lwakaleta ceeco; pele Lunyungu lwini lwa Abrahamu lwakali Kristo, Bbaibblee...olo lwakali Lunyungu lwabwami ilwa Abrahamu. Lino amubone.

⁹⁸ Abrahamu, kakutanaba lunyonyooko lwa mulilo mu buzuba bwakwe, kwakali citondezyo cakacitwa kuli Abrahamu, nkamu Yakwe yakasalwa. Elyo eco cakali, Leza wakaseluka mu ciimo ca muntu, kapa sule Lyakwe ku tente kuzwa oko Sarah nkwa kabede, a kwaambila eco Sarah ncakali kwaamba mu tente. Elyo Jesu wakasika koonsa a kwaamba cintu nciconya kuti ciyooba ku mamanino aa bukkalo. Lino, oyo wakali Abrahamu.

⁹⁹ Mpawo lunyungu lwakwe lwa kunyama, cindi Mesiya aboola. Elyo Simooni wakasika kuli Jesu, elyo Wa kamwaambilza zina lyakwe kuti wakali Simooni, alimwi wa kali mwana wa Jonasi, kaziba maseseke aa moyo wakwe. Kaambila Filipo...na Nataniyeli, kuti Filipo wakajana, “Nda kubona cindi noli kensi lya cisamu.” Kaambila mwanakazi ku mukalo, “Wa kajisi balumi bosanwe”; elyo waa kati, “Munene, Nda kuziba kuti Uli musinsimi.” Mwabona, mamanino aa lunyungu lwa kunyama ilwa Abrahamu lwa kajana citondezyo eco.

¹⁰⁰ Elyo cakaambwa kumbele kwiinda ku Lunyungu lwabwami Lwakwe, Kristo, kuti Lunyungu lwabwami, ku mamanino aa mazuba abo, kuti bayo jana cintu nciconya. Lino Nda syoma twa cimvwa.

¹⁰¹ Waka mucinca. Amubone, Leza wakacinca zina lya Abrahamu. Ncibotu ndazwa kuli eco. Cindi Nda joka kwa lubukulusyo lulamfu, tuyo njila muli olo. Wa kacita kucinca zina kuzwa ku zina lyakwe lyanyika, ku zina lya kapegwa aa Leza.

¹⁰² Yebo wati, “Ino zina lya muntu lila cakucita nzi?” Oh, mukwesu, ikuti nolizi buyo! Baa, amwi mazina aya sunu ngo tujisi! Nse yandi ku baita kuti, nkaambo ciyo nyonganya kulimvwa kwanu. Pele Leza uli jisi mazina ayo aamba zintu, ula cinca bweende boonse. Oh, yebo wati, “Bufuba!”

¹⁰³ Ino kujatikizya—ino kujatikizya Jakobo? Katanaba sibwami kumbele lya Leza, wa kacita kuba a zina lyakwe kucincwa kuzwa kuli Jakobo kuya kuli Israyeli. Sa mbo mbubo? Masimpe. Paulo; Saulo wakacita kuba a zina lyakwe kucincwa kuli Paulo. Oh, mbangaye mbo tukonzya kwiita, a kwaamba kuti Leza wakacinca zina lyabo! Abram kuli Abrahamu, Sarai kuli Sarah, kacinka zina lyabo. Oh, ma! Ino ncilongezyo, kunjila mu mbungano imwi niini a nkamu yakasalwa, a kuunka kuyo yiisa ceeco, mwabona maaleluya mu moyo, cindi mwabona eco Leza ncacita.

¹⁰⁴ Lino, masiku ainda Nda kali kupandulula aa “akati ka mundando” a “kuci simpikizya.” Ndi yanda ku cuuma alubo Nke tana njila mu cibalo cangu. Kuti, Leza wakasandula Abrahamu kuzwa ku mudaala uusutene, walo a Sarah, kujokela ku banabukwetene bakibusyi, kacinka buntu bwabo bwakunyama kabatana konzya kutambula mwana waka syomezegwa. I citondezyo camamanino ncoba kajisi kwakali kutondezegwa kwa Leza mu mibili wabantu, konzya kubala moyo wa mwanakazi kunze Lyakwe, mu tente. Elyo cintu citobela cakali cakuti mibili yabo yakacincwa. Lino, busiku bwainda Nda kali kumuka, elyo Nda kali kulimvwa kulibuzya kujatikizya ceeco. Ndi yanda kucileta munsi loko aniini.

¹⁰⁵ Lino, cizibyo ca ncico cakali cakuti, cindi boonse niba kabweza lweendo olo lulamfu, baka cinewa ncobeni. Elyo Bbaibbele lyakati, “Boonse baka cembaala loko mu myaka. Elyo mibili wa Abrahamu wakali mbuli buyo uufwide, nkabela zyalilo lya Sara lyakali fwide.” Sa mbo mbubo? Tu lizi kuti bakali fwide, pele Leza waka bacinca. Lino ku citondezya kuli ndinywe, kuti Wa kacicita. Lutaanzi, nkaambonzi oyo mu Filisiti (na kutali i . . .), iifyi, Nda syoma wakali mwaami mu Filisiti, kuwida mu luyandisyo a Sarah, mucembele? Elyo waa kali mubotu kulanga.

¹⁰⁶ Cintu cimbi. Cindi Izaka nakazyalwa, a Sarah a Abrahamu baka cembaala akufwaba mu bukkalo, kulibambilu kufwa, mpawo baka pona, nkabela Izaka waka kwatana cindi na kali myaka ili makumi one yakukomena; Sara wakafwa. Elyo Abrahamu wakakwata mwanakazi, Kture, nkabela waka jisi

bana balombe bosanwe, na cisambomwe, Nda syoma mbo cakabede, kunze lya bana basimbi, kumane eco; elyo awa, myaka ili makumi ali cisambomwe yakainda, wa kali mbuli buyo uufwide! K-e-t-u-re, Kture. Wa akwata Kture, kumane obo kwa myaka ili fifite na sikisite, alimwi wa kajisi bana basankwa bali cisambomwe kunze lya bana bakwe basimbi; a myaka ili makumi ali cisambomwe kale, wa kali mbuli uufwide nconzyo. Aleluya! Nceeco we! I cisyomezyo ca Leza cili masimpe. Ameni. Oh, Nda Ci yanda!

¹⁰⁷ Kolibamba buyo lwako a kubala! Sunu, kaindi mu zisaka, kubala, Ndi jisi cintucimwi ciniini Nce yanda kupandulula.

¹⁰⁸ Israyeli. I bantu ba Leza buzuba bumwi bakali kumusanza mu Egepita, baka sambalwa mu bwaange, nkabela tiiba kakonzya kugwasya kuba okuya. Bubambe bupati bwa Leza bwakakanzwa ibwa kabatuma okuya. Wa kaambila Abrahamu kuti bayo endeenda mu nyika nyenzu kwa myaka ili myaanda yone. Elyo mbaabo baba mbuli bamwi bantu, nkabela bakali bazike. Ikuti na i—ikuti na mwaalumi muna Egepita wakali kuyanda koona basimbi bakubusyi ba Hebrayo, taakwe cakali kukonzya kwaambwa. Ikuti na bakali kuyanda kujaya bantu babo bakubusyi, baka bajaya, taakwe cakali kukonzya kwaambwa. Ba kali bazike. Ba kabawaalila zinkwa zyabo zyakajikwa. Ba kazilya, na kucita kakutakwe; kutongauka, kajaigwa! Ino mbusena bwa bantu ba Leza!

¹⁰⁹ Pele buzuba bumwi, aleluya, Leza wakayeeya cisyomezyo Cakwe kuli Abrahamu. Bulemu! Lino Ndi talika kulimvwa cabukombi alubo. Amubone, Leza wakayeeya cisyomezyo Cakwe kuli Abrahamu. Elyo Wa kananika musinsimi, a Musumpululu wa Mulilo atala lyakwe, elyo wa kaseluka mu cisi a kutilika kubayeezya zya cisyomezyo ca Leza eco catakali kukonzya kukakilwa. Elyo Leza wakaliko ku kusimpikizya Ijwi Lyakwe. Mbubo. Wa kabaambila zya nyika eyo yakali kukunka mukupa a buci, Leza waka ipa kuli mbabo. Ba keenda kuzwa mu Egepita aa nguzu zya bumboni bwa musinsimi oyu a Musumpululu wa Mulilo atala lyakwe, nkaambo wa katumwa. Elyo Leza waka tondezya kuti Wa kali a nguwe.

¹¹⁰ Lino cindi niba kasika ku busena butegwa Kadeshi bania. Eco cakali ciindi cimwi cuuno ca lubeta ica inyika, Kadeshi bania. Elyo mpaawo baka jisi silumamba akati kabo, wa zina lya Joshua. Elyo bbala *Joshua*, mu Cihebrayo, lyaamba “Jehova mufutuli.” Elyo Joshua, silumamba mupati... Lino amuyeeye, tiiba kalina bona cisi eci, ba kamvwide buyo kujatikizya njiyo. Mwa cibona cimvule na eno? Biyo baka liimvwide nyika. Ba kasiya zyoonse kuunka ku nyika eyi, nkaambo Ijwi lya Mwami lya kaletwa kuli mbabo, a kutondezya kuti bakali mu lweendo lwabo kuya ku nyika eyi. Ino ncikozyanyo ca Mbungano, mu lweendo lwabo, kutaziba cintu kujatikizya ncico, taakwe wabo wakasola kuba okuya. Pele Joshua, cindi niba kaswena

munsi ku munyinza, ku Kadeshi, cuuno ca lubeta, oko lubeta nko lwakauma Israyeli, kuzwa kuli umwi oyo wakazabuka a kujoka. Elyo Joshua wakazabuka jordano, okuya mu nyika ya cisyomezyo, a kujosya bumboni kuti cakali mbubonya buyo eco Leza nca kaamba kuti cakali boobo. Alimwi baka konzya kulabila masaansa aka limwa mu nyika eyo izwide lutangala.

¹¹¹ Lino, baka syomezegwa kuti bakali kukonzya kuba a muunzi oko nkoba kali kukonzya kwaanguluka, bakali kukonzya kukomezya bana babo mu kulilemeka kabotu a—a buyoofu bunaleza, kuba a mbungano, azimwi zimbi. Obo mbo baka kkomene ku zabuka nyika eyo a kujana muunzi oyu, kuzwa kukuba bazike. Amubone. Pele cindi niba kalanduka, kapona maumi abo, cakali cintu cipati. Pele kumalekelo mbali ya zilundu zya kajoncomene mu mabwe aa zyumbwe. Ba kacembaala a kufwa, kacembaala a kufwa, bantu ba Leza.

¹¹² Mpawo buzuba bumwi mpaawo kwakasika Silumamba umbi mupati, mupati maningi wa boonse babo, Jehova Mufutuli, Jesu, Wa kaboola, elyo Wa kati, "Kuli Buumi buindilila lufu! Nkambo, mu ng'anda ya Taata Wangu kuli makkalilo manji. Ikuti nicaatali boobo, ni Nda kamwaambila. Njo unka kuyo bamba busena, a kujoka alubo kuzo mutambula kuli Lwangu." Elyo Silumamba oyu mupati wakasika ku Kadeshi-barnia Yakwe, cuuno ca lubeta ca ndiswe toonse, Kalivari! Awo Wa kabikka milandu yesu toonse ali Nguwe. Elyo Wa kazabuka mulonga wa Jordano oyo ngo twiita kuti lufu. Elyo ku buzuba bwatatu Wa kabuka alubo, mbuli Joshua kajokela kulanduka mulonga, kuleta bumboni kuti "ii muntu oyo wakafwa inga waponna alubo."

¹¹³ Elyo Wa kati, ku kubamba bwako... masimpe a ndinywe, "Ndi yanda kuti kwiinke kutala okuya ku muunzi wa Jerusalema, a kulindila okuya. Ndiyo mupa cizibyo ca Nguwo. Ndiyo mupa citondezyo, mbali ntaanzi." Elyo bakaunka kutala ku muunzi wa Jerusalema a kulindila kusikila Buumi Butamani bwakasika mbuli guwo lyuungisya canguzu.

¹¹⁴ Elyo sunu, kumane myaka ili zyuulu zyobilo, tu cijisi citondezyo kuti twa kazwa ku lufu kuya ku Buumi. Joshua wesi wajosya citondezyo, alimwi tuli mu nzila yesu kuya ku Nyika eyo ya cisyomezyo, kulabila zipego zyakujulu izya Leza Nzya katu boozeyza. Amu cibone, obo mbo cili cibotu! Amulange awo mpo kabede ciindi cimwi. Omukolwi...

¹¹⁵ Nda kaswaana mukwesu sunu; kajisi kulimvwa kweenzu kwakunyona kagwagwa kamwi, a kuunka nzila. Nda luba zina lya muntu mbo lyakabede. Inga kali okuno mu muswaangano. Nekubaboobo, ikuti na tali obo, baa, Leza wakali kabotu kuli nguwe. Walo muna India, muna India. Walo uzwa ku Virginia. I Muuya Uusalala wakati kuli ndime, kutali ku caamba. Nda kalekela mukaintu wangu kuzwa. Kati, "Koya kunselelo ku nzila

eyi, a kunyona kkona *eli*.” Nda kaselemukila okuya. Oh, cila citika ciindi coonse. “Amulindile mpoonya *awa*.” Mpawo Nda kalindila awo maminiti masyoonto. Kati, “Konyona a kujokela kutala ku nzila *eyi*.” Elyo, cindi Ne kacita, Nda kamuswaana.

¹¹⁶ Wa kati, “Mukwesu Branham, Ndili kuzi.” Kati, “Nda boola ku Jeffersonville ciindi cimwi, a ku kujana.” Elyo kati Nda . . . “Wa kali kulandukwa lwizi.” Pele wa kali mukolwi, mu buumi bwakwe. Nda kajata janza lyakwe, walo katazyi Nce kali kucita. Elyo wa kajisi cilwazi cibbi caku muni. Kuciindi Ne kaimvwi alya kajatilide janza lyakwe, kunzwiima kwaka ndisiya. Inzi? Wa kaponesegwa. Nkoonya okuya ku kkona lya kagwagwa, bala cimvwa mu dolopo lyako.

¹¹⁷ Ta ndizi na nguni muntu . . . Sa nkiali? Ta ndizi. Ikuti na nkiali, walo . . . Ta—Ta ndizi. Wa kati wa—wa kali kuyanda kujokela ku muunzi. Ndi yeeya kuti wa keelede kuunka. Wa kali i—i mwaalumi muna India, Ndi yeeya kuti wa kakwata i—i mwanakazi mukuwa. Alimwi wa kali kuzwa ku Virginia. Elyo Nda luba zina lyakwe mbolibede. Wa kakkala anselelo awa ku Logar na cintucimwi mbuli ceeco. Elyo wakali mu lweendo loonse kuya ku Jeffersonville. Pele wa kajisi kulimvwa kwa kweenda mu kkona; Muuya Uusalala wakati, “Koya kunselelo ku nzila *eyi*.” O Leza, koba aluse! Mpaawo we.

¹¹⁸ Nda konzya kutola maora a maora, ku mwaambila zintu ezyo nze Nda kabona kazi citika a kucita mbuli boobo. Nkaambonzi? Jesu, Silumamba wesi mupati, wakazabuka a kuzunda nyika, wakazunda lufu, kazunda gehena, wakazunda cuumbwe, wakabuka aa buzuba bwatatu, a kuti, “Ndime Oyo waka fwide, a upona alubo kwalyonse, alimwi njisi a makki aku lufu a gehena.” Ngooyo Muzundi, mbokunga Wa kadelula cisitilizyo mu bubili. Ngooyo Uli imvvi!

¹¹⁹ Mboli mucizi uusiya mucembele. Ndijatile, beenzuma bangu basiya mukati muno. Waa kali kupa bumboni mu muswaangano, alimwi waa kali kumusanza maningi mu mubandi wakwe. Waa kati, “Ee, Ndi yanda ku kwaambila cintucimwi coonse sunumasiku.” Waa kati, “Nseli masimpe obo Mbwe elede kuba.” Elyo waa kati, “Nseli masimpe Mbwe yanda kuba. Pele cintu comwe Nce zyi, Nseli obo Mbwe kabede.” Aboobo waa kaboola kubusena bumwi!

¹²⁰ Elyo Nda amba, nce ncico sunumasiku! Ciindi cimwi twa kasweeka mu cibi. Elyo sunu, kwiinda kukuzumina bumboni, cisyomezyo cakajoka (mbali ntaanzi ku lufutuko lwesu Lutamani), twa kabuka kuzwa ku lufu kuya ku Buumi, a kupona atala lya ncico. Ino ciyooba buti cindi twa kujana bulumbu buzwide, a kulanduka mulonga, lwesu, mu Nyika eyo yabulemu?

¹²¹ Kusunkwa kupati! Lino Abrahamu, kumane zintu ezi zyoonse zibotu, wa kasolekwa nakamana kutambula cilongezyo. Abrahamu waka solekwa.

¹²² Lino mpaawo bantu mpo baka kakilwa. Lino, amuswiilile kabotu loko lino, muta kakilwi ku cibona. I Bbaibbele lyakati, kuti “Oonse mwana uboola kuli Leza weelede kukomwa, kuzundikizigwa, kunabbwa. Elyo ikuti na ta tukonzyi kuzunda kukomwa, tuba bana bamusokwe, a kutali bana ba Leza.” Cila tondezya kuti lusyomo lwesu tii lwakali mbo twa kaamba kuba, ta tujisi eco neco tulibanda kuba aco. Lino tuyu bunjilana mu buna Calvini mbubotu ncobeni eno, aboobo tweedele kulangilila eco. Lino amubone, “Oonse mwana uboola kuli Leza weelede kukomwa, kuzundikizigwa,” Ijwi lyamuumaa ku muzapaula mu tubeela, ku gwisyaya kyanza koonse kunsi lyakwe; mwabona, kusola, a kubona ikuti na mwana wa Leza.

¹²³ Lino Abrahamu, na kamana kutambula cilongezyo, mpawo waka sunkwa.

¹²⁴ Nkuuli ciindi eco nko ciya? Nse na kumanizya akwalo cibalo cangu, nkabela cakkwana ciindi cakujala. Sa mula ndikkazikila camba kwa maminiti ambi ali kkumi aosoanwe? [Mbunga yaamba, “Ameni.”—Mul.] Ndamu lumba. Amubatame. (Abrahamu. Amulange Nowa.) Atu cibweze kwa kaindi kaniini. Ta tukonzyi kubinda; taku yandikani. Elyo, ma, ino tubindaanina nzi? Nda muka buyo aniini. Ta-Ta ndili mbuli bamwi balombwana aba bakonzya kwiima, konzya buyo ku cizwidilizya mbuli boobo. Nda—Nda—Nda muka aniini, Nde elede kulindila mane Wa cipa kuli ndime.

¹²⁵ Amulange Nowa, Leza nakamana kumulekela kukambauka myaka ili mwaanda a makumi obilo, mpoonya akati ka inyika mpati ya sayaansi kwiinda njo tujisi sunu. Oh, masimpe, ba kayaka mapiramidi. Tii twa kakonzya kwaayaka. Ba kayaka zibumbwa zya zilenge. Tee twa kakonzya kuziyaka. Bala cita imbaumu mitunta kwiibamba kuboneka cabupya asunu. Ta tukonzyi kucicita. Ba kajisi mubala usandula ngo bakabikka mu zintu, oko kubikka mibala nkoba kajisi taku cinci kwa myaka ya zyuulu zyone. Ta tujisi pe. [Kabeela katakwe cintu aa teepu—Mul.] Elyo caka tondezya kuti baka jisi lusumpuko mbuli olo Jesu mbwa kaamba, “Mbuli mbo kwakabede mu mazuba akwa Nowa.” Elyo Nowa, mu nyika eyo ya sayansi, kakambauka, “I mvula iyowa kuzwaku julu, nkaambo Ijwi lyam Leza lyam kaamba boobo!” Nowa wakali musinsimi.

¹²⁶ Elyo cindi wabona basinsimi kababuka, ncibotu walangilila, lubeta luli mu lweendo lwalo.

¹²⁷ Aboobo mpawo Nowa kakambauka, a bantu kaba cikaka, kaseka mu busyu bwakwe. Inga ndayeeyela bamwi babo bakati, “Eco ta ciswaanganyi kuzuminanwa kwesu kwasayaansi.” Huh!

¹²⁸ Nda ezeezya, cintu nciconya mbuli mbo cibede sunu. Ba laamba kuti, “Koongolola a kulumbaizya Leza, a kulila, alimwi obu buumi awa butegwa ‘bubumbulusi busalala’ nkulibamba buyo kwa kunyanyamuka.” Ta ci swaani kuzuminanwa kwabo

kwasayaansi, pele ci swaanganya Bbaibbele lya Leza. Eco nce cintu cipati. Amubone.

¹²⁹ Nda yezeezya sayaansi kaiyutuka a kwaamba, “Langa, mulombwana. Langa, yebo—yebo ubaanga tokkwene mu mutwe. Amulange awa. Mebo, tu jisi redar, inga twa dubula mweezi na kutuma Musangu kutala kuya. Taakwe dosi lyomwe lya maanzi akati awa a kokuya. Lino nkokuli nko lita zwide?”

¹³⁰ Nda konzya kumvwa Nowa kaamba, “Leza wakaamba boobo! Elyo ikuti na Leza wa kaamba kuti cakali boobo, Ngu Jehova Jire, Ula konzya kubamba maanzi kutala okuya. Leza wakaamba boobo! Ciyo citika, nekubaboobo!” Umwi wakati . . .

¹³¹ Wa bweza muntu kafwa ku kkulenge, cimvule ca muntu, ngooyu mbwabede; mwaka utobelu muntu mubotu wanseba mbotu. Mbobuti mbo cakacitika? Ka mulazika kaindi . . . Ndji jisi myaanda ya bumboni obo. Ii muntu wakazwa mu buumi obu, dokotela wakasaina kaambo, “Uli fwide, wakali fwide kwa maoora a maoora.” Elyo Leza wakapa cilengaano, alimwi ulapona eno. Buti? Uta ndibuzyi. Ta ndizi. Pele Leza wakati, “Ponya balwazi, kubusya bafu, kutanda madaimona.” Mbo mbubo.

¹³² Kufumbwa ciindi wano cisidwe nkabela Leza wakosola kuponesegwa, ko zumanana buyo—kojisi dokotela wako, ko mulekela ku kwaambila cindi waba kabotu. Uyo kupa . . . Eco ciyopa bumboni kuli nguwe. Cindi aamba, “Ee, koonse kwamana”; kwaamba, “Alumbwe Leza! Nda kulumba, dokota, ku milimo yako,” a kuzumanana. Mwabona? Mbo mbubo. Amubone.

¹³³ Lino Nowa, wa kati, “Ku boola mvula, nyika yoonse, iyo gusya bantu babyaabi.”

¹³⁴ “Ah, bufuba! Tu jisi mambungano esu. Mweembeli wesu taambi cintu mbuli ceeco. Mudaala ta kkwene mu mutwe wakwe, kayaka bwaato atala alya. Muyeyea kuti umwi inga wa cisyoma?”

¹³⁵ Buzuba bumwi, Leza wakati, “Nda mvwa kusabula kwabo kweelede. Ndili libambilide lino. Kamuya mukati!” Alimwi mpaawa kasika banyama, bobilo a bobilo, cikwilinti mukombwe anseke, kayuni ka sipalo kakombwe a akseke, mpongo yeenze a mpwizi, mbelele yeenze a mpwizi, mulavu, siluwe, zyonse ziyoya atala lya nyika, zya kanjila mu bwaato.

Nowa wakati, “Eco ncitondezyo canu camamanino!”

¹³⁶ Elyo tiiba kakonzya ku cisyoma. “Kozumanana kutala a kupona a banyama bako banunka.”

¹³⁷ Ngooyo mbwa kabede, Nowa ulaswiilila Leza. Takukwe makani eco nyika ncoya kaamba, wa kaswiilila kuli Leza; wa kali musinsimi. Wa kanjila mu bwaato, nkabela Leza wakajala mulyango kunze lyakwe.

¹³⁸ Lino inga Nda yeeyela, bamwi basyomi baakatikati, abo baka kkede koonse a kuswiilila ku mulumbe wa Nowa, a kubikka kabeela, nywebo mulizi, ba kati, “Yebo ulizi cintu, oyo mudaala inga kano luleme. Atuunke kutala a kwiimikila koonse. Wa kati, ‘Iyo talika kuwa cindi mulyango oyo wajalwa.’ Leza waka mwaambila kuti Uyo jala mulyango, kuti iyowa. Atu unke atala a kwiimila koonse. Elyo ikuti na kwatalika kuwa, tuyo konkomona aa mulyango. Nkaambo mwaalumi mudaala sibuuya, uyo jula mulyango.”

¹³⁹ Nywebo mwabona, ziindizimwi mula ngide ku mutumwa mucibaka ca Mulumbe. Leza wakajala mulyango. Takukwe makani obo Nowa mbwakali simoyo wabuuya, ngu Leza wakali kujala a kujula, kufumbwa Nca kali kuyanda.

¹⁴⁰ “Mukwesu Branham, ngooyo mwaalumi uukkede awa ku kkona. Koya kunselelo a kumuponya, tuyo syoma mu kuponesegwa kwa Buleza.” Oyo ngu dyabulosi.

¹⁴¹ I umwi nguonya wakati, cindi niba kabikka kalembo ku busyu Bwakwe a ku Mu uma atala lya mutwe, mu nkuta, wa kati, “Ikuti na Uli musinsimi, twaambile oyo wa Kuuma lino. Tuyo cisyoma.” Ta sangabalisyi umwi. “Ikuti na Uli mwana wa Leza, sandula mabwe aya abe cinkwa. Ikuti na Nduwe!” Na kakonzya kucicita, pele Ta sangabalisyi umwi. “Ikuti na Uli mwana wa Leza, koseduka kuzwa ku ciingano.” I bapaizi bakali kwaamba eco, mwabona. Ta kasangabalisyia umwi.

¹⁴² Wa kacita mbubonya mbuli Taata mbwa ka Mu tondezya, alimwi taakwe cimbi. Nce ncico Nca kaamba, Musalali Johane 5:19, “I Mwana takonzyi kucita cintu muli Lwakwe, cita buyo eco Nca bona Taata kacita.” Nceeco we. Amubone.

“Tuyo unka kutala a kwiima kuzunguluka bwaato, ikuti na mvula yatalika kuwa...”

¹⁴³ Nda ezeezya Nowa wakati... Wa kanjila mu cibeela citaanzi, katanta atala ku cibeela citobela (bayuni) kuzwa ku zintu ziyavula, kutala ku mulimo utobel. Kuzwa ku kululamikwa, kutala ku kusalazigwa (bayuni), mpawo wa keenda kuzwa kuli ceeco mu lubbizyo lwa Muuya Uusalala; awo mpulungwidwo mpoya kabede, awo mumuni mpo wakali kukonzya kunjila. “Nda kasika kumajulu, kukkanla acuuno.” Kati, “Ncibotu, mukwasyi, nywebo nomuboola omuno a ndime, cifumo... Ciindi ciya bumana masikati aya lino. Lino Leza wakajala mulyango kunselelo okuya. Cifumo, kuyooba mudima aa nyika yoonse. I cifumo, mvula inoowa nkabela bwaato buya kuzwa cakwiibuka, alimwi Leza uyo—uyo zimya boonse abo basizibi ba lunya abo bata kasyoma Mulumbe.” Boonse babo kabalindila.

¹⁴⁴ I cifumo cakatobela, kabuka, kusondela, mubotu a ubalama. Wa kanjila mu bwaato, mbangaye bazi kuti mbuzuba nzi mbwa kazumanana? I buzuba bwa 17 bwa Kaandakanini, cindi Nowa nakali myaka ili myaanda ili cisambomwe yakukomena.

I buzuba bwa 17 bwa Kaandakaniini, Bbaibbele ly a kaamba boobo. Elyo cindi na kanjila, buzuba bwa 17 bwakainda, zuba ly a kayutuka kalipya buyo mbuli mbo kwakabede lyonse.

¹⁴⁵ Nda kali kunga ndaezeezya, baakatikatikati, kwaamba, "Aah! Nda ka kwaambila kuti kwakanyina cintu kuli ncico! Ino nyoonse mwi imaima nzi onse atala awo? Amuzwe ku lweeno luli boobo!"

"Ee, Ndi yeeyela kuti eco cakali luleme."

¹⁴⁶ Pele, nywebo mwabona, kuli muncali wandaanya wakabikkwa akati ka kusyoma a kutasyoma. Elyo inga wa boola lubazu lumwi na lumbi. Elyo nceeco ciindi nco tambula lwiito lwako lwamamanino.

¹⁴⁷ Abooobo, buzuba bwabili, ino nkutyompwa kwakaliko kuli Nowa a mbungano yakwe, cindi na kabaambila kuti Leza uyo nyonyoona inyika. Pele mulizi na nciindi cilamfu mbwa kacibikka? Mazuba ali ciloba, taakwe cintu cakacitika. Kusunka!

¹⁴⁸ Mpawo aa buzuba bwalusele, kwakali mudima koonse aa nyika, madosi mapati akatalika kuwa kuzwa ku mulengalenga, i maanzi akatalika kutila, alimwi tusensa twa kamwaika. I tugwagwa twa kazwide maanzi. Bantu baka konkomona ku mulyango, pele Nowa takali kukonzya akwalo kubamvwa. Elyo bwa kaubuka atala ly a cilundu maningi, nkabela bonse bakali anze ly a bwaato bakaloba.

¹⁴⁹ Leza kasunka Nowa, kubona kuti na wakali kuyo sola kutanta mpulungwido, na cintucimwi. Kwalo Na kaambide kale cisymezyo, Nowa waka cikakatila mane kumamanino!

¹⁵⁰ Nce ncico! Cindi wano jisi cisymezyo, alimwi ulizi kuti ncisyomezyo, kokkala a ncico! Abrahamu wakacita kusunkwa. Amukkale a cisymezyo!

¹⁵¹ Lino, ba kajana citondezyo cabu camamanino. Mpawo mibili wabo waka cincwa. Elyo mpoonya biyo Izaka muniini wakalibonya aa cilao, mulombe muniini mubotu mu Juda. Nda kali kunga ndayeeya kwiinde mazuba akwe ali lusele wa kapalulwa. Obo mutumbu oyo, myaka ili mwaanda yakukomena... Obo Abrahamu, myaka ili mwaanda yakukomena; na walo makumi ali fuka, a nguwe mwaanda; obo mbo bakeelede kuba, kutandila ku makumi obilo abo, kabatangala. Oyu mulombwana muniini, obo mbwali mubotu!

¹⁵² Elyo nywebo mulizi, Leza wakati, "Lino kubamba bantu mu mazuba kuboola (Lunyungu lwa Abrahamu) lizi, Lunyungu lwako lulizi kuti Nda bamba cisymezyo Cangu ku muntu uli onse uyo jatilila ku Ijwi Lyangu, Ndiyo mupa musunko."

¹⁵³ Cindi mulombe muniini naka jisi myaka itandila ku kkumi ayone yakukomena. Nda yeeyela, masusu maniini apalangene a meso maniini mabotu. Oh, obo bawisi a banyina mbo baka

kkomene! Uli zyi yebo omuzyali mbo bede a mwana wako, mwana alikke. Mpawo Leza wakati kuli Abrahamu . . . Lino, Ta kakonzya ku caamba kuli Sarah, nkaambo Sarah wakali cilongo cikompeme. Elyo aboobo Wa kati, "Abrahamu, Ndi yanda kuti utele mulombe oyu muniini Ngwe kamupa, kuli nguonya Nkwewyo kubamba kuba wisi wa masi manji, elyo Ndi yanda kuti umutole atala lya mulundu cakuti Njo kutondezya sunumasiku mu cilengaano, elyo okuya uka mujaya." Kunyonyoona bulangizi bulikke obo bwakaliko kuli nguwe kuba wisi wa masi, kuti Leza abambe Ijwi Lyakwe; Leza wakati, "Nda kubamba kuba wisi wa masi." Wa kalindila lino myaka eyi yoonse, kusikila myaka ili mwaanda yakukomena, myaka ili mwaanda a kkumi ayone yakukomena. "Elyo ngooyu mulombe muniini lino, alimwi cizibyo cilikke eco neco jisi kuti Njo bamba Ijwi Lyangu, koya kutala uka cinyonyoone. Ndi ciyo kubamba kuba taata wa masi kwiinda ku mwana oyu."

¹⁵⁴ "Elyo Abrahamu," kati, "ta kazungaana ku cisomezyo ca Leza. Wa kalizi kuti waka mutambula mbuli umwi kuzwa ku bafu. Kalizi, ikuti na Leza wakasyomezya booboo, Wa kali kukonzya kumubusya kuzwa ku bafu."

¹⁵⁵ Elyo mpawo tuli Lunyungu lwa Abrahamu? Elyo bulubizi bomwe buniini bwa lwiyo lwabukombi inga bwabbotola mu nzila, kuba basimpupo a bamwi baalumi a banakazi, mula unka kuli ncico mubusena bwa kukkanala a Ijwi. Mause kuli ndinywe! Kabunga kamwi kapati, ino eco caamba nzi kuli Leza? Uyo ifumpa mbuli *boobo!* [Mukwesu Branham wanontola kanwe kakwe—Mul.] Uli tantamukide kuzwa kuli ncico, cakali kuzwa ciindi niba kaba kabunga, umwi aumwi wabo, alimwi lyoonse unooli obo. Kutali bagame omuya, pele ciyanza cakabunga, ci lwana Leza. Mbungano yoonse yaka bunganisigwa ngu nyina . . . na mwana musimbi wa kabunga ka Katolika. I Bbaibbele lya kaamba booboo, Ciyubunuzyo 17, "I sikuvuula mukulukulu, a bana bakwe basimbi basibwaamu." Mbombubo ncobeni.

¹⁵⁶ Twa mubikka mpoonya awa lino ku cisi cesu. Mause kuli ndinywe ba Demokrati babotu abo bakasambala bupati bwanu! Ncibotu, tuyu ciya eco ciinke, mane Nka joke. Amubone. Nda muka. Sena Kristo wanu tacaambi kunji kuli ndinywe kwiinda tunzenyu twanu? We elede kucita eco Abraham Lincoln nea kaamba. Yaa. Amubone, tula unka.

¹⁵⁷ Lino Leza wakati, "Bweze mulombwana muniini, aku mutola okuya atala lya mulundu."

¹⁵⁸ Lino uyanda kuziba na Abrahamu wakali mwaalumi mukubusyi na pe? Wa keenda mu lweendo lwa mazuba-otatwe a mwana, a nkuni, a muzike, a kadonki. Lino kufumbwa muntu, muntu uuuzilwe . . . Nda kali kunga ndilangalanga ntambo zya malaiti, kali kweenda cindi Ne kali sikulangalanga zyamusokwe; elyo Nda konzya kweenda, cabuteteete, mamaile aali makumi

otatwe abuzuba. Elyo tu jisi matende aa mungwimba, mbo tu ciita. Pele balo bantu, zyoolwe zyabo zili buyo ku tende, na kweenzya kambongolo. Elyo mpaawa bakali antomwe a kadonki kaniini kaneelela; nkabela inga twa kaindila kweenda. Elyo ngooyu mbwakabede, lweendo lwa mazuba otatwe, elyo mpawo wakasumpula mutwe wakwe a kubona mulundu kulaale, akwalo. Kweelede kuti wakali kutandila mamaile ali mwaanda kuzwa ku lusumpuko, kaindi maningi mu lukula. Lino amuswiilile, elyo amubone.

¹⁵⁹ Mpawo wa kabweza nkuni a kuzibikka kusule lya Izaka; ciingano, Mwana wa Leza myaka yakainda. Elyo Izaka waka bweza nkuni kutala lya cilundu, kuti wakali kuyo lala aa cituuzyo. Kutondezya kumbele!

¹⁶⁰ Ikuti na Leza wakatondezya eco kumbele mbuli mbo kweelede; Mukaintu wa Lota, utacenguluki a kucebuka ku zintu zya nyika. Zyoonse ezyo zikozyano a zimvule zili londokede. Mwabona? Amuyeeye Eva. Amuyeeye mukaintu wa Lota. Amuyeeye Lota mwini, yebo o muntu. Amuyeeye, Adamu waka mupa mukaintu wakwe; Lota, nzila njionya. Amu cenjele. Ndi mwaambilia buyo, mbuli mukwesu. Nkumuka maningi kwiinda mbo tuyeyya.

¹⁶¹ Amubone Izaka muniini kaya butanta cilundu. Elyo wa kayeeya kabotu loko. Elyo wa kalanga koonse, elyo wa kati, “Taata wangu?”

Elyo wa kati, “Mpaawa Mpendi, mwana wangu.”

¹⁶² Wa kati, “Nzeezi nkuni. Elyo nzeezi zyoonse, zintuzyonse, mulilo. Pele uli kuli kabelele ka cituuzyo caku tenta?”

¹⁶³ Amuswiilile kuli taata oyo mudaala, kakutakwe kubimba mu jwi lyakwe, wa kati, “Mwana wangu, Leza uyo libambilia Mwini cituuzyo.” Mwana wakwe alikke wakali kuunka ku ejailo, pele nekubaboo oyo moyo wakaindi uusyomeka waka lizi kuti Leza takonzyi kubeba.

¹⁶⁴ Olo Ndunyungu lwa Abrahamu sunu! “Mbobuti mbo cikonya kuba, Mukwesu Branham?” Leza uyo libambilia Mwini! “Mbobuti Mbwayo cita?” Ta ndizi. Pele Ngu Jehova Jire!

¹⁶⁵ Koya atala lya cilundu, kakunkulisyaa bbwe. Kabikka nkuni a mabwe, aku ziyyasya mulilo. Kati, “Izaka, mwana wangu, ko cenguluka.” Wa kabweza katambo kuzwa ku cibuno cakwe, a kwaanga maanza akwe a matende akwe. Izaka, sikuswiilila, mbuli Kristo mbwakabede, ku lufu. Waka mulazika atala acijailo. Katambikizya ansi mu cikanda cakwe akusomona ntibba mpati; wa kiikwenga ziindi zisyoonto, kalangide ku mulengalenga.

¹⁶⁶ “Ta kazungaana aa cisyomezyo ca Leza kwiinda mu kutasyoma, pele wakali muyumu, mukuziba kuti waka mu tambula mbuli umwi kuzwa ku bafu; wakalamwa cabuzule

kuti na Leza wa kaamba booboo, kuli nguwe kucicita, Wa kali kukonzya kumubusya kuzwa ku bafu.” Oyo ngu Abrahamu, alimwi olo Ndunyungu mbuli nguwe. Ikuti na olo lwakali lunyungu lwa kunyama, ino Lunyungu lwa bwami lweelede kuba nzi? Kutali kuzungaana! Eco Leza ncaamba, Leza uyo cita. Mukuziba kuti, wa kali lamidwe kumaninina; kuti eco Leza nca kasyomezya, Leza wakali kukonzya kucita.

¹⁶⁷ Ntibba ya kakwengwa; meso a Izaka maniini asiya kalangilila eco cifulo cibosya mbuli mbo cakainda atala lya bbwe. Katambikizya kusule; katikimwida kusule kuvungwa kwakwe ka masusu kuzwa ku meso, kakwela cilezu cakwe ciniini kusule. Wakabuka, a misozi kiimbulumukila ansi ku busyu bwakwe mbuli booboo. Mukuziba, alimwi takas zungaana aa cisyomezyo ca Leza! Katambika janza lyakwe ku dumpukizya cifulo mu kameneno ka mwana wakwe wini.

¹⁶⁸ Elyo cindi na kacita, jwi lya Leza lyakaita, a kujata janza lyakwe, kati, “Abrahamu! Abrahamu, kolesya janza lyako! Ndi lizi lino kuti ula Ndi yanda.” Ino Wa kali kucita nzi? Kupa bumboni ku Lunyungu lwa Abrahamu, kumane nguwe. “Kolesya janza lyako, uta nyonganyi mwana oyu! Ndi lizi kuti ula Ndi yanda.”

¹⁶⁹ Elyo kutandila ciindi eco, Abrahamu wakamvwa cintucimwi kunze lyakwe. Elyo wa kalanga, elyo mpaawo kwakali mugutu wambelele (eyo ni mbelele ya mweenze) wakakwempwa ku meja akwe mu bwizu a ziteo. Elyo Abrahamu wakainka a kubweza mugutu wa mbelele a kumujaya, mubusena bwa mwana wakwe.

¹⁷⁰ Nkokuli oyo mugutu wa mbelele nkwa kazwida? Ngu mamaile aali mwaanda kuzwa ku lusumpuko. Baa, banyama bamusokwe niba kamujaya ikuti nakaliko okuya kainda. Masimpe, ngu—ngu munyama waang’anda. Nkokuli nko cakazwida? Elyo, kunze, cili kulaale atala lya mulundu, oko kutakwe bwizu na maanzi. Elyo Abrahamu wakabwezelela myaala koonse, oko nko cakabede, ku kubamba cipaililo. Nkokuli nko cakazwida? Tii cakali cilengaano; wakasweka malowa. Ii cilengaano tacisweki malowa. Aleluya! Jehova-Jire wakali bambide Mwini cituuzyo!

¹⁷¹ Cindi Leza abwezegwa ku Ijwi Lyakwe, Ula konzya kulibambilila kufumbwa cintu Nca bulide. Leza, Jehova-Jire, ucili Jehova-Jire sunumasiku. Uli jisi Cituuzyo cibambidwe kale. Uli jisi Mbungano ibambidwe. Walo ujisi Mutumwa wakapegwa, Muuya Uusalala. Uli waano lino, Jehova-Jire. I Mwami walibambilila Bbaibbele Mwini, Muuya, Mbungano, Mulumbe, Mutumwa. Elyo oora lili waano lino ku Mbungano yeelede kukwempwa a kutolwa ku muunzi. Jehova-Jire uyo bamba lyaamba kugusya Mbungano kuzwa mu inyika eyi, kwiinda mu kusandula mibili eyi ikompeme iya ndiswe, a

kwiitola mu Bulemu. Jehova-Jire! Mbobuti mbo ciyo citika mu buzuba bwasunu mbuli mbo tupona mo, kuti zintu ezi ziyooba?

¹⁷² Billy, mwana wangu, kufumbwa nkawabede, elyo Mebo, ndakali mu India calino buyo. Elyo Nda kabweza mutende... Cindi Ne kazwa mu bwato, bali zyuulu bakaliimvwi alya akuyalwa kwa malubaluba kwinda ku zilwi. Cindi ni twa kasika ku Taj Motel, ba kajisi pepa libikkidwe alya, mu Chikuwa. Elyo Nda kabona kabbeela kapati muli nkako, kati, "Ce elede kuba citondezyo muzuzumo wanyika wamana." Ino lyakali penzi nzi? Ee, kutandila mazuba otatwe na one kumbele lya muzunzumo mupati mbuli mbo mubala, boonse bayuni baniini baka pona mu mabwe...

¹⁷³ Mu India, taba jisi lubaya mbuli ndo tujisi mu California, United States. Bala panga lubaya lwabo kuzwa ku myaala njo bwazelela. Elyo bayuni baniini bakayaka citeente cabu muli ncico. Bala panga ngazi zipati, a bayuni balayaka ziteente zyabo muli ncico. Elyo boonse bayuni baniini, mazuba masyoonto kakutana boola muzuzumo wanyika, kauluka kuzwa ku malambo. Elyo ku ciindi caku mangolezya na... Akati ka buzuba, cindi nibwa pya, i mbelele a ng'ombe ziyo imikila kunsi lya cimvule ca bulambo a ngazi, ku kuzwa mu zuba lipya.

¹⁷⁴ Pele kwa mazuba obilo, ng'ombe a mbelele tazi booli ku bulambo. Ba kaima akati ka muunda a kuyaama kuli umwi aumwi, ku kuumbulizingwa. Mpawo muzuzumo wanyika wakasika, waka zungaanya malambo ayo aansi. Elyo mpawo bayuni baniini baka talika kujoka, ng'ombe kuzwa ku muunda. Ino cakali cinzi? I Leza nguonya wakali kukonzya kwiita mbelele a ng'ombe, a bayuni, mu bwaato, katondezya kuti Ngu Leza nguwenya sunu uukonzya kwiita banyama Bakwe kuzwa.

¹⁷⁵ Alimwi ikuti na Ula konzya kweenzya munyama ku bube bwablenge, nkunji buti Mbungano ya Leza nko yeelede kuzwa ku malambo aya mapati akabambwa aabantu a njisoyo zya mambungano. Babuloni iyowa, bumwi bwa mazuba aya. Jehova-Jire wa kalibambilia Mwini Busena bwa Kulyookezezya. Kuuluka kuzwa ku ngazi zya inyika!

¹⁷⁶ Kuuluka kuzwa ku bweebesi bwa Hollywood! I mambungano ali mukusola kusabula mbuli ngawo, kumweka. I Makanimabotu taabalami. Hollywood ilabalama. Makanimabotu alamweka. Hollywood ilabalama a bweebesi. I mbungano mpati ilamweka a lwiiyo. Elyo Mbungano ya Leza muumi imweka a bubombe a bubotu, a Muuya Uusalala. Kuli lwandaano lunji akati ka kubalamu a kumweka.

¹⁷⁷ Uli waano lino. Jehova-Jire wakalibambilia Mwini. "Leza ulakonzya ku mabwe aya kubusya bana kuli Abrahamu." Ikuti na tubungwe tatuka Li tambuli, Leza inga waleta bana Bakwe kuzwa mu tugwagwa, basibwaamu kuzwa mu mahotelu. Ula konzya kubusya cintu cili coonse Nca yanda. Pele ikuti

na Leza wapa Mulumbe, kuli muntuumwi kubusena bumwi waku Utambula. Jehova-Jire! I Mwami uyo libambilila Mwini i Mulumbe. I Mwami uyo libambilila Mwini kuba Mutumwa. I Mwami uyo libambilila Mwini, mu nzila Yakwe Mwini, zitondezyo ku Mbungano; kutali kusangana, kubikka mazina anu mu mabbuku.

¹⁷⁸ Tu lamwva kunji loko sunu kujatikizya kusala, kusala kunji loko. Ino cigwasya nzi kulundika mabwe na tojisi muyasi wa mabwe alya kuti atendulule a kubabamba kuba bana balombe abasimbi iba Leza? Ino cigwasya nzi kuba tubungwe tupati twa kayakwa a zyuulu, ikuti na muntuumwi tako a Cceba libosya mabemba obilo ilya Leza kuba bamba kuba bana beni ba Leza? Inga akwalo wabasiya awo mpo babede. Ameni. Leza (kutali Methodisti, kutali mbuli Baptisti, Katolika), Leza walibambilila Mwini Cifulo ku kupanga bana ba Leza, bana ba Leza. Ameni. *Jehova-Jire*, “Mwami uyo libambilila Mwini.” Elyo Wa kacita! Amu Mu syome, a kupona.

Atu kotamike mitwe yesu kwakaindi kanini.

¹⁷⁹ Leza Siluzyalo, Leza muumi lyonse, koba siluse kuli ndiswe lino, a kutupa luzyalo Lwako. Ta tweeleli, Taata, ku cintu cili coonse eco Nco yanda kutu citila. Pele ta tulyambilili kuti tuleelela, pele tu swilila biyo kwitwa kuzwa kuli Leza. Twa komba, Taata, kuti Uyo tubamba sunumasiku mu mabwe ayo ayelela mu Tempele lya Leza, ku Kuboola kupati kwa Mwami Jesu ku Tempele Lyakwe. Ko cipa, Taata. Kotujatila swebo toba sizibi ku tumpenda twesu. Kotu yubunwida Ijwi Lyako. Kotu tondezya Nzila ya kweenda. Kotu yiisya, O Taata Leza. Akube kuti tu Li tambule. Alimwi ikuti na ciliimpene ku Ijwi, tu lizi kuti mwiiyi mubi. I Muuya Uusalala ngo mwiiyi wesu. Wa kalemba Ijwi, alimwi inga Ta yiisya cintu cili coonse cita Ijwi. Elyo twa komba kuti Uyo cibamba kuyubuluka kuli ndiswe busiku obu, mu moyo wesu. Ko cipa, Leza.

¹⁸⁰ Lino a mitwe yesu kiikoteme, meso esu kajalide. I luzyalo lwa Leza lube ali ndiswe, ngo mupailo wangu mubombe a usinizizye. Kosyoma buyo lino. Uta zumbauzyi.

¹⁸¹ Sa kuli umwi mu buyake, oyo Ngwe zyi kuti nkiali, baalumi a banakazi abo bata Mu zyi, tana tambula Cituuzyo Cakwe cibambidwe, Mwami Jesu, mbuli Mufutuli wako? To Mu zyi na? Inga wa yeeya cabupampu kuyeeya kuti ula cita. Pele muntu takonzyi kubona Leza kusikila wa zyalululwa. *Kubona* ta lyaambi... Tamu boni kubelesya meso aanu; mula langa kubelesya meso aanu. *Kubona* nku “mvwisya.” Wa ka Li langa ncobeni, a kwaamba, “Ta ndi ciboni,” yebo waamba kuti yebo “to cimvwisyi.” Tamu kazibi eco neco twaambaula kusikila mwa zyalululwa. Tona kuba a luzibo olo? A mitwe yanu kiikoteme eno, a meso aanu kajalide, sa inga watambika janza lyako, a kwaamba, “Mukwesu Branham, kondi yeeya mu

mupailo sunumasiku. Nda syoma kuti tutambula Mulumbe wesi wamamanino. I buzuba bula sobelela cakufwambaana. Elyo Nda bona eco nco kaamba mu Bbaibbele kuti mbwini, nkaambo Nda kabala Bbaibbele. Nda syoma kuti ndi oora ndyo tweede kuboola eno. Elyo, kuli ndime, Ndi bamba kwiima kwangu eno nkambo ka Kristo”?

¹⁸² Leza aku longezye. Leza aku longezye. Leza aku longezye. Leza aku longezye. Leza aku longezye, yebo. Ncibotu. Atala mu bbalukkoni, maanza! Tambika buyo janza lyako, kwaamba, “Kuli ndime, mbuli Joshua mbwa kaamba, ‘Kuli ndime a ng’anda yangu, tuyo belekela Mwami.’” Ncibotu, muntu umwi umbi? Ndi lindila buyo. Leza aku longezye kusule okuya. Nda bona janza lyako. Leza aku longezye atala awo. Leza aku longezye. Ula kubona. Kutala mu bbalukkoni, Leza aku longezye atala awo, munene; cintu cipati loko eco nco kasola kucita mu buumi bwako. Mpoonya akati ka bbalukkoni, muntu umwi wanyamuna janza lyako mukati muya. Ndiza Nse bona janza omuya, kwayanda kwa... Muntuumwi akati ka bbalukkoni atala eni? Tambika janza lyako, a kwaamba, “Mukwesu Branham, kuli ndime, Ndili... Ndi yanda ku Mu belekela. Ndili—Ndili sinizizye.” Leza aku longezye. Leza aku longezye. Leza aku longezye mwaalumi muniini. Mu bbalukkoni ku lulyo, muntu umwi wa nyamuna mujulu janza lyako awo, a kwaamba, “Mukwesu Branham, mebo, kuli ndime, Ndi lizi eco cili luleme. Ndili... Nse muzi Leza, pele Ndi yanda ku Mu ziba. Ndi yanda kuba masimpe. Nda bona Nse konzyi kukona coolwe. Nse konzyi kujokela alubo.”

¹⁸³ “I nzila musamu nko uyeeme, eyo nje nzila mbo walokela,” Lugwalo lulaamba. Muta wi mu nzila eyo iilubide. Mula konzya kwiilulamika sunumasiku. Amuyeeye, kufumbwa kuti kakuli Butamani, alimwi taakwe nibwa katalika alimwi tabu kamani, pele uli cibeela ca ncico, uyo penga na uyo pona mu lutangalo. Mbobuti mbo ziba kuti uyo pona mane ukasike ku muunzi?

Yebo wati, “Ndili mukubusyi mubyabi.”

¹⁸⁴ Ndi jisi buyo mulumbe kaindi kainda. Ii mulindu mukubusyi kusule mu cisi cangu, wakazwaa kweenda mu migwagwa kalubide, katalika kufweba misanga yatombwe. Waa kaambilwa kujatikizya Leza, pele taka swililia. Myaka ili kkumi acisambomwe yakukomena, waa kali kuzwa kuli nguwe... . pepee, myaka ili kkumi alusele yakukomena, wakazwa buyo ku lwiiyo lwa cikolo cipati. Elyo wakaambilwa, kusola kucita ciluleme. Pele waa katalika kweenda a nkamu iilubide, lulabo lwaka mujaya mpoonya awo.

¹⁸⁵ Calino buyo, muntu uusiya mu Shreveport wakaima a kwaamba, “Kwiina cintu cili boobo mbuli Leza.” Kusanka buyo, kati, “Tabali cintu pele nkamu ya babumbulusi basalala.” Lulabo lwaka mujaya. Ba kamutola ku cuumbwe. Elyo cindi

nibakali kuzikka mwaalumi oyo, mpaawo kwa kaboola kkumbi liniini, a lulabo lwa kauma bbokesi ly a kuzikkila aku muuma kuzwa mu bbokesi ly a kuzikkila.

¹⁸⁶ Jehova Leza ulanyema. Ndi lizi kuti Ngu Leza mubotu, pele Ngu Leza wa lubeta, awalo. Walo ucilanga, Walo ulizi.

¹⁸⁷ Ikuti na to jisi Leza, tambika janza lyako, kwaamba, "Kondi yeeya, Mukwesu Branham, mbuli mbo paila." Leza aku longezye, mulindu. Leza aku longezye, mulombe. Mbo mbubo, ko boola ncobeni kumbele. Leza amu longezye. Mbo mbubo, mwaalumi mukubusyi. Leza amu longezye kusule okuya. Amu lombe Leza Singuzuyonse.

¹⁸⁸ Taata wesi Wakujulu, lino Wa ba bona. Uli zyi kuli kuli maaza atambika ali makumi obile na makumi otatwe, kuti bayanda Nduwe kuba Mufutuli wabo. Leza, kopa eci ndyoonya lino. Nda bapa Ijwi eli. Wa kati, Lwako, "Oyo uumvwa Ijwi Lyangu." Nda cita ku bubotu Mbwe konzya a Ndilyo, Mwami. "Oyo uusyoma Majwi Aangu akumu syoma Oyo waka Ndi tuma, ujisi Buumi Butamani, alimwi taka booli mu lubeta, pele wakazwa ku lufu kuya ku Buumi." Ino ncintu cibotu, kuyeyya ceeco! Ikuti na myoyo iisinizizye kunze ly a maanza ayo, cakaamba ncobeni kuti, cintucimwi cacitika buyo. Lino Wa kati, "Oyo uyo Ndi zamina kumbele ly a bantu, walo Njo lyambilila kumbele ly a Taata Wangu a Baangelo basalala." Balekele bazibe kuti Uli waano, Mwami. Nda komba kuti Uyo cipa. Kotu swiilila. Tuli balanda Bako, Mwami. Mu Zina ly a Jesu.

¹⁸⁹ Ncibotu, busya mutwe wako. Ula syoma kuti Ngu Jehova Jire? [Mbunga yaamba, "Ameni."—Mul.] Sena mula syoma kuti tuli mu mazuba mbuli mbo kwakabede mu mazuba akwa Lota? ["Ameni."] I mazuba akwa Nowa? ["Ameni."] Amuyeeye Mulumbe wamamanino?

¹⁹⁰ Sa kuli muntuumwi awa wa ciindi cakwe citaanz? Tambika janza lyako. Banji! Ndi yeeyela kuti Mukwesu Borders waka pandulula kuli ndinywe. Mwa kamvwa muswaangano kale, eco cicitika. Amunyamune maanza anu, ikuti na muli jisi; ikuti na tamuna cibona, kacimvwa buyo. Ncibotu. Lino Ndili mweenzu ku bantu okuno.

¹⁹¹ Bamwi banu no bantu a mapenzi, amu lombe kuli Leza, a kwaamba, "Leza, kondi fwida luse, Nda ciswa. Mukwesu Branham ta ndizi. Pele Nda mvwa kuti Uli Mupaizi Mupati ukonzya kugumwa kwiinda kukulimvwa kwa kulengauka kwesu." Mbangaye bazi obo? [Mbunga yaamba, "Ameni."—Mul.] "Elyo Ngu mbobuca nguwenya, sunu, amuya myaaka." Nywebo mulizi obo? ["Ameni."] Ee, lino, ikuti na Walo Mupaizi Mupati nguwenya, mbobuti Mbwa nga wabeleka ikuti na wa Mu guma? I nzila njiyonya Nja kacita cindi mwanakazi waka jisi kuzwa bulowa naka Mu guma. Wa kanyona a kumwaambila obo cilwazi cakuzwa bulowa kwakwe mbo cakabede, a kumwaambila

lusyomo lwakwe kuti lwaka muvuna. Sa mbo mbubo? Ngo Nguwe nguonya sunumasiku, ikuti na mula konzya ku Mu syoma nzila njionya Nja kabede kaindi. Sena mula Mu syoma nzila eyo?

¹⁹² Lino amulange nzila eyi, kuli ndime. Mboli Petro a Johane mboba kaamba ku Mulyango Mubotu, "Ko tulanga." Eco tii cakali kuto "amu balange" ku cintu cili coonse, pele, "amulange eco ncobakali kwaamba."

¹⁹³ Atu talikile kuzwa *awa* abusena bumwi. Amulange nzila eyi, a kusyoma a moyo wanu oonse. Elyo kwaamba, "Mwami Jesu, Nda Ku syoma, alimwi Ndi yanda kuguma cikobela Cako. Yebo waambaula ku Mukwesu Branham, a kumu zibya penzi lyangu mbolibede. Ndiyo Ku syoma ikuti na Uyo cicita." Sa inga wacicia?

¹⁹⁴ Lino nceeci cintu ca bayandwa. Mbobuti Mbwe konzya kuba acamba kucita cintu mbuli ceeco? Inga ndaba cintucimwi cilubide kuli ndime kubamba kuzundikizya mbuli boobo. Nda kazundikizya eco kumbele lya bantu bali mamilioni ali milioni, ku ciindi, bata kakonzya akwalo kukanana musyobo wabo. Pele Ta ndilekelezya. Nkaambonzi? Wa ka cisymezya! Aya mazuba aakumamanino, alimwi Wa kasyomezya ceeci, alimwi nceeci we.

¹⁹⁵ Ndi lizi, beenzuma, mwaka jisi kunji kwa kumucisa. Mwa kali jisi kulikozyanisa kunji kwakunyama. Pele anda ambe buyo cintu comwe kuli ndinywe, kutali ku lugwasyo lwangu, pele ku lugwasyo lwanu. Lyoonse bali jisi eco. Pele Leza takwe naka jisi bobilo aa nyika ku ciindi comwe, taka cita. Pele amuyeeye buyo, kuli kulikozyanisa kunji loko, pele kuli Leza wini. Kuli Muuya Uusalala wini. Ngoooyo Mulumbe wini wa Leza, nkabela oyo ngo nguwe Jesu Kristo wa kafwida basizibi, wakabuka alubo kuzwa ku bafu, alimwi wa bweeda mu Muntu wa Muuya Uusalala, ku cita mulimo nguwenya mu Mbungano oyo Ngwa kacita cindi Na kali waano.

¹⁹⁶ Lino, sa Ijwi lya Leza ta lyaambi ceeci? Mu Bahebrayo, Lyu kat, chipati ca 4, i Bbaibbele lya kaamba kuti, "I Ijwi lya Leza lilabosya, anguzu zinji kwiinda panga lya mabemba obile, lilatenda kwandaanya," oko nkutenda kobilo kuboola a kuunka, "alimwi akwalo ku mumpolyo wa cifuwa, a Sikutweluka wa miyeyeo a makanze aa moyo." Sa mbo mbubo?

¹⁹⁷ Ako nkekaambo Jesu ncakali kukonzya kwiima kumbele lya bbunga a ku baambil. Balo ba Farisi bakati, "Ngu Bezebule." Jesu wakanyona. Tiiba ka caamba kumvwika loko, pele Wa ka baambil. Nke kaambo Nca konzya kwaambil mwanakazi makani a kuzwa bulowa bwakwe. Ambila mwanakazi kuti waa kajisi balumi; elyo cindi na kacita ceeco, mpawo Wa kaamba. "Baa, eco nce citondezyo ca Mesiya."

¹⁹⁸ Nywebo mwabona eno kubweeda, kulibonya kwa Mesiya aakati ka bantu. Walo Muuya Uusalala kaubamba Mbungano kulibambil.

¹⁹⁹ Ndi yanda kuti unyone mutwe wako. Amubone oyo mwanakazi muniiini katambikizya okuya, katambika kusule, uukkede ansi mpoonya awa? Mwabona Mumuni oyo aali nguwe? Walo uciswa kufundilila kwa bulowa kwiindilide. Mbo mbubo. Kasamide dressi lya bbulu, ubaanga usamide magilazi ku busyu bwakwe. Kuli wabili ku mamanino, na tuu, wali kulimvwa kweenzu kukasaala kuli nguwe. Mbo mbubo. Lino kufundilila kwako kwabulowa kwiindilide, oko kwakali kukupenzya maningi, kwa musiya. Ula cizumina? Tambika janza lyako ikuti na ula cita.

²⁰⁰ Ino waa guma nzi? I Mupaizi Mupati. Lino koya, uka buzye mulindu. Nseno mubwene mu buumi bwangu. Nse zyi cintu comwe kujatikizya mwanakazi; pele, obo mbwini. Ndali kulangilila Mumuni oyo mbuli Mbo weenda atala lya bbunga eli, wainka atala eni a kujoka, Mumuni uubalama.

²⁰¹ Sena ula syoma? Coondamazwi, penzi lya subilo, buyumuyumu bwakusilikwa, kulibilika, bukompami. Mbo mbubo. To zwi kokuno pe. Ii busena buniini butegwa West Point. Mbo mbubo. Sena ula syoma kuti Leza inga wandaambilia zina lyako? Muka. Hardwick. Mbo mbubo. Ikuti na mbo mbubo, koimikila ku matende ako. Kwa kuleka. Jesu Kristo wakubamba kuba kabotu.

²⁰² Sena mula syoma? [Mbunga yaamba, “Iiyi.”—Mul.] I bantu balangila kusule, nkambo ka ncico. Mpaawaukkede mulindu mpoonya awa. Amulange, oyo Mumuni uci jatilide kuli nguwe. Sena tamu boni Eco? Nceeci We. Amulangilile.

²⁰³ Nceeco we, a mwaalumi oyo uukkede mpoonya awo kandi langide. Coondamazwi. Kosyoma a moyo wakwe oonse, Leza uyo kubamba kuba kabotu, munene, ayebo. Tuli beenzu kuli umwi aumwi, pele kutali kuli Leza.

²⁰⁴ Oyu mulindu nkoonya kusule awa, uciswa mutwe. Leza, ta mulekeli ku ciimpya. O Leza, kaka. Muka Morton, syoma aa Mwami Jesu Kristo. Wa kakuponya kuzwa ku kucisa oko kwa mutwe. Mwabona, Ta kamulekela kwiindilila. Ndi yanda ku kubuzya cintucimwi. Mansiku ainda cindi Ne kaambaula ku bantubamwi mu buyake kujatikizya kucisa kwabo kwa mitwe, waka jisi kulimvwa kweenzu ncobeni, alimwi wakali kulibuzya naa oyo wakali nduwe, na pe. Sa eco tacili kabotu? Tambika janza lyako. Nseli mukubala mizeezo yako, pele Ndi kwaambilia eco nco wali kuyeyya. Mbo mbubo. Sunu Wali kuyanda kuba masimpe kuti wakali nduwe. Kuyo kusiya lino, lusyomo lwako lwa kufutula. Aleluya.

²⁰⁵ Amulange mulindu oyu uukkede awa, kasamide dressi lya mampana. Sena uli jisi kkaadi lya mipailo, mulindu? Lilingaule lyako. Sena ula syoma kuti kupasukilwa kwacilonda mukati kuyo kuleka, uyooba kabotu? Ula cita na? Tambika janza lyako

ikuti na eco nce cilubide kuli nduwe. Ncibotu. Kosyoma a moyo wako oonse a kuponesegwa. Mwabona eco cili kuli ndime?

²⁰⁶ I mulindu nkoonya kusule lyakwe, wanyamuna janza lyakwe, a syoonto... peepe, wabili kusule okuya, usamide dresi liniini liboneka girini, uciwsa penzi lyamoyo. Iiyi. Sena ula syoma kuti Leza uyo kubamba kuba kabotu? Eco cili kabotu, ncibotu loko. Uyo cita ikuti na ula cisayoma ncobeni.

²⁰⁷ Ii mulindu, umwi wabili kuzwa kuli nduwe, Muka. Dillman okuya. Ikuti na ula syoma kuti Leza uyo kuponya ku penzi eelyo lya mwida. Muka. Dillman, kosyoma, nkabela uyooba ada lyako. Ndi da linyongene. Kwakali anduwe kwa ciindi cilamfu, kapati kuzwa ciindi cakuya kumweezi kakali aali nduwe. Wa kajisi zintu zinji zyaku kuletela mapenzi manji, pele zyoonse zyamana eno. Ikuti na zintu ezyo nzya bwini, vukauzye buyo maanza ako ku bantu, kutegwa bakonzye kubona. Ikuti na Ndili mweenzu kuli nduwe, zumanana ku tambika janza lyako. Jesu Kristo wakubamba kuba kabotu.

²⁰⁸ Sena mula syoma? [Mbunga yaamba, “Ameni.”—Mul.] Ino ncinzi? Jehova-Jire, Mwami ula libamba Mwini i Cituuzyo! Lino bbunga lyonse lya baanga tali boneki kabotu kuli ndime. Jehova-Jire wa kabamba Cituuzyo ca umwi aumwi wanu. Sena mula cisayoma?

²⁰⁹ Lino yebo awa watambika janza lyako, boola atala awa a kwiima awa aniini buyo. Sa ula cicita? Jehova-Jire wa kabamba Cituuzyo. Yebo wanyamuna janza lyako, kuti yebo wa cisayoma. Yebo wabona awa, a kuziba. Tacikonzeki... Ngu Cintu cimwi! Amulange bantu aba, mbangaye bakaitwa. Ta ndizi lino. Ndiza ciloba, lusele na kkumi, kufumbwa mbo cakabede, eco cakaitwa. Inga cazumanana buyo kweenda. Pele kuciindi Ne jisi nsana, Ndi yanda kuti uboole, kuzumina Kristo mbuli Mufutuli wako. Sa inga wanyamuka eno a kuboola, kuciindi no twiimba, “Nda boola, Mwami, kuboola eno kuli Nduwe”? Sa inga wanyamuka lino a kuboola atala awa, yebo watambika janza lyako kaindi kainda? A kwiima kuzunguluka cipaililo awa, a kutondezya kuti to fwibweeme kuli Kristo. Uli mu Busyu Bwakwe. Boola lino, a kutondezya ku bantu kuti wali kwaamba ncobeni, kuti uyanda kwiibalukwa a Leza, nkabela waka Mu tambula mbuli Mufutuli wako. Boola kutala eno, kuciindi toonse notwiimvwi a kwiimba.

Nda boola, Mwami!
Boolalino kuli Nduwe!
Kondi sanzya, kondi salazya mu Bulowa
Obo bwakakunka kuzwa ku Kalivari.

²¹⁰ Amuboole eno, amuboole ansi eno awa. Tula paila. Tamu kabi munsi loko kumwi kuli Nguwe cindi mwazwa.

Boolalino kuli Nduwe!
Kondi sanzya, kondi salazya . . .

²¹¹ Ko seluka mpoonya kuzwa mu bbalukkoni. Cili kabotu. Ko boola mponya ansi, koima mponya awa. Koba i...Lino, Wa kat, "Ikuti na uyo Ndi zumina kumbele lya bantu, walo Njo mwaambilila kumbele lya Taata Wangu. Pele ikuti na wafwa nsoni kuli Ndime, Njo fwabweeme kuli nduwe," koyeeya, Bbaibbele, kuzwa ku Matalikilo kuya ku Ciybunuzyo. Boola lino, mukubusyi a batapi. Sa inga waboola? Simbungano, na pe, boola lino. Sa ula cita? Tambula Kristo kuciindi noli mu Busyu Bwakwe.

Nda boola, Mwami!
Boolalino kuli Nduwe!
Kondisanzya, kondisalazyamu Bulowa
Obo bwakakunkakuzwa ku Kalivari.

²¹² Kuzumanana buyo, kwiimba. [Mukwesu Branham wang'ung'unna, *Nda Mvwa Jwi Lyako Litambula*—Mul.]

²¹³ Amuswiilile. Sena mula ndisyoma kuba musinsimi Wakwe? Nsenayambilila boobo kale. Nda syoma Nda ima a bantu abo bamvvisya a kuziba eco nce Ndili mukusola kusika kuli ndinywe. Kuli bantu mukati muno abo bali mukwaamba Bunakristo, beelede kuba mpoonya awa. Amuboole, sa tamukaciti? Andi mubuzye, mbobutimboya kusola kuunka? Tamukatambuli citondezyo cimbi. Eci nce Ncico. MBUBOOBU MBWAAMBA I MWAMI. Sa musinsimi wa Leza inga waamba kaambo mbuli kaako ikuti na takali bwini? Uli mukutambula citondezyo cako cipati maningi, a citondezyo cako camamanino, kakutanaba kulibonya kwa Kristo. Boola! I kaambo nce Ndili mukwaamba zintu ezi, Ta ndina kwaamba eci mu muswaangano umbi uuli oonse, Nda limvwa kuti ndyoonya eno ncoolwe awa ca cintucimwi kucitika. Nke kaambo Nda amba nzila Mbwe bede. Nda syoma mula mvvisya. Inga toinka koonse, kupanga musyobo umwi wa kakamu kanguzuuzu, kwaamba, "Mukwesu Branham ngu kaleza," na cintu cimwi mbuli eco. Mula mvvisya eco Nce kanana. Boola lino. Boola. Andi kusungilizye, mu Zina lya Kristo. Boola!

²¹⁴ Yebo tozyi awo mpoimvwi, toli masimpe kujatikizya ncico, cabupampu buyo, na musyobo umwi wa kunyanyamukwa; wa kalila, wa koomoka, na wa-wa kajisi musyobo umwi wa kunyanyamukwa. Muta soli kusika Okuya ali ceeco. Amuyeyeye, Nda mwaambilila mu Zina lya Mwami, kuti uli sweekede, kusweekacabubi, nkabela to cizyi. Uta toli ciindi, mweenzuma. Ndili mukubyala buyo mbuto, a kusomona kanyandi. Leza ulabweza kusumpulwa. Ta ndizi.

²¹⁵ Atukotamike mitwe yesu, kubona ikuti na Ta ko ndaambilila. [Ii mucizi wakanana mu mwaambo umbi a kupandulula—Mul.] Mula mvwa obo.

Boolalino kuli Nduwe!
Kolingula moyo wako wini.

Kondi sanzya, kondi salazya mu i . . .

²¹⁶ Membala wa mbungano. Ikuti na Nda liimvwi okuya, alimwi kajisi buyo luzibo lwa kusangana mbungano . . . ? . . Nda kali kunga ndabamba nzila yangu awa cakufwambaana mbuli Mbwe kali kukonzya.

²¹⁷ Amuyeeye, Muuya upa bumboni kuti tuli ku mamanino. Sayaansi yakati, "Maminiti otatwe kutandila akatikamasiku." I Mulumbe a Bbaibbele lilaamba, "Nceeci we, cintu camamanino!" I lubukulusyo lulamana. I mulyango uli mukujala. Unoli aanze, kokonkomona, a kutakonzya kunjila. Kuboola!

Leza aku longezye, omulindu muniini. Lino, sena wabona eco?

Nda boola, Mwami!
Kuboola lino . . .

²¹⁸ Leza aku longezye. Mbo mbubo, munene. Eyo nje nzila, kuselemukila nkoonya kuzwa ku bbalukkoni. Kuboola kwiinda ku mundando.

²¹⁹ Ndeeli Ijwi, mboobu bumboni. Ngooyo Muuya, ngooyo kamboni. Elyo mpaawa bantu baboola, kutondezya kuti tuli waano ku ciindi camamanino.

Nda boola, Mwami!
Boolalino kuli Nduwe!
Kondi sanzya, kondi salazya mu Bulowa
Obo bukunka kuzwa ku Kalivari.

Nda boola, Mwami!

²²⁰ Kulindila, kwiita bamwi mukati. "Kutali kuyanda kuti umwi akanyonyooke; boonse inga baboola ku lweempo." "Boolal," kat, "kuli Ndime."

²²¹ Ikuti na waka jisi kuzumbauzya mu mizeezo yako. Weelede kuba masimpe, beenzuma. Lusyomo lulu londokede.

. . . kuzwa ku Kalivari.
. . . Mwami!
Kuboola lino ku . . .

²²² Bamwi, bantu bali makumi osanwe ku bantu bali makumi ali ciloba aosanwe babungana. Lino amuboole. Amuleke bamwi beeleder kuboola. Kujatilila buyo kwa ciindi cilamfu lino. Nkaambo, juunza kuyooba aa kuponesegwa kwa Buleza. I Muuya Uusalala wakanana kuli ndime, kaindi kaniini kainda, "Uta iti mundando oyo. Koita cipaililo." Ndiyo Mu swiilila a kucita mbuli Mbwa ndaambila. Ndi lizyi kabotu kwiinda kuta cicita.

Boolalino kuli Nduwe!
Kondi sanzya, kondi salazya mu Bulowa
Obo bwakakunka kuzwa ku Kalivari.

A mitwe yesu kiikoteme eno, mbuli mbo tu lindila.

²²³ O Leza, lekela Muuya Uusalala weende atala ali baaba. Abo bayanda kuboola kumbele ku cipaililo, kusololela bantu lino ku cilongezyo. Elyo—elyo akube kuti Mwami Leza acipe. Muuya wa Leza, uukanana.

²²⁴ Ko njila, ko njila. Ko boola munsi eno, muntu oonse. “Buntu boonse, bwa cibi bwa kalesegwa, kuli luse a Mwami.” Boola lino. “Boolu kunsi lya zambangulwe lisalazya, kusweekelwa twiimba toonse twa milandu yabo. Kuli Kasensa kazwide Bulowa, buzwa ku nsinga zya Imanuele.” Cabulemu.

²²⁵ Walimvwa luumuno olo ku muswaangano lino? Ino ncinzi? Lwalo ndufu, lufu kuli basizibi. Lino babelesi babagame amu njile konse a mbabo lino. Lwalo ndufu, aba bantu bali mukufwa. Mabbaibbele ali manide, ala pandulula. Lufu lulazumanana kuzunguluka cipaililo, a Buumi bupya buyo boola kwakumana lufu.

Kuli Kasensa kazwide a Bulowa,
Kazwa . . .

Oh, obo mbo muyanda kumvwa eyo buzuba bumwi, buzuba cindi kuzwinta kwanu kwa kuleka kuduntaana!

Elyo basizibi badumpukila kunsi lya
zambangulwe eelyo,
Kusweekelwa twiimba toonse twa milandu
yabo.
Kusweekelwa twiimba toonse twamilandu
yabo,

Nce ncico, mulombwana mukubusyi. Longezya moyo wako.
Nce ncico Nca kali kulindila.

Elyo basizibi badumpukila kunsi lya
zambangulwe eelyo,
Kusweekelwa twiimba toonse twa milandu
yabo.

²²⁶ Lino amulekele Banakristo abo bakalaililwa, amutante kuciindi notwiimba kampango katobela. “I mubbi wakali kufwa wakatangala kubona Kasensa ako mu buzuba bwakwe; ndiza Mebo, nekubakuti ndili mubi mbuli nguwe, sanzya zibi zyangu zyoonse.” Amulekele bantu balailila batante munsi. Nywebo nomu tajisi lubbizyo lwa Muuya Uusalala, kweenda munsi lino. Ta muzi eco Leza ncanga wacita eno mu kaindi kaniini. Kotanta eno, kuciindi no twiimba kampango katobela eno.

I mubbi wakali kufwa wakatangala . . . (I Ijwi
lya kayubululwa.)
Kasensa mu buzuba bwakwe;

Oh, eco cili kabotu, kozwa mpawo eno. Boola kuciindi Maanzi aselaulwa.

. . . Mebo, a mubi maningi mbuli nguwe,
 Sanzya zibi zyangu zyoonse.
 Sanzya zibi zyangu zyoonse,
 Sanzya zibi zyangu zyoonse;

²²⁷ Nce ncico, nobabelesi. Amuboole mukati. Boonse abo amu mweende eno kusika ku kuselaulwa kwa Maanzi. Amuboole atala.

. . . mubi mbuli nguwe,
 Sanzya zibi zyangu zyoonse.

²²⁸ Lino nywebo nomuyanda ku komba, kweenda munsi lino a kulibambila. Tuyo syoma kuti Leza uyo cita, kuziba ceeci. We elede kucita! I Leza nguonya uukonzya kutweluka muyeeyo wa moyo! Amuyeeeye, Jesu wakacita biyo eco ciindi cimwi mu dolopo. Pele Wa kati, "Zinji kwiinda ezi moyo cita, zicit." Mwabona, katondezya Lugwalo Lwakwe kabotu! Ko njila eno. Atu kombe eno nkambo ka bantu aba bali ano. Bantu boonse abo bazi nzila ya kukomba. Mbangaye Banakristo bakazyalululwa bali mu buyake? Tambika janza lyako. Lino toonse atu tambike maanza esu a kupa kulumba ku bantu aba.

²²⁹ Taata wesu Wakujulu, twapa kulumba kuli Nduwe nkambo ka bantu aba. Mbi Bako. Ba kaboola, kubamba kulyaambilila. Ba boola kufwa kuli lwabo a cibi. Baya kujoka, zilenge zipya muli Kristo.

²³⁰ Saatani, wa sweekelwa nkondo! Leza ngu Jehova Jire! I Mwami wabamba Cituuzyo, wabamba bantu, wabamba lwiito lwaku cipaililo, wapa Mulumbe, wapa luzyalo. Elyo Saatani waka zundwa mu nkondo, mu Zina lya Jesu Kristo wa ka sweekelwa nkondo!



JEHOVA-JIRE ³ TNG62-0707
(Jehovah-Jireh ³)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Kunkumunamasamu 7, 1962, ku Municipal Auditorium mu Grass Valley, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org